

禮記章句

禮記卷之七

烏程盧葆辰子

同邑程夢元砥園

婺源汪

紱雙池章句

後學

古歙汪 鑣範泉

校字

同邑余家鼎彝伯

樂記第十九

孔氏曰劉向校書得樂記二十三篇今取十一篇合為一篇曰樂本樂論樂禮

樂施樂言樂象樂情魏文侯賓牟賈樂化師乙也餘十二篇其名猶存曰奏樂曰樂器曰樂作曰意始曰

樂穆曰說律曰季札曰樂道曰樂義曰招本曰招頌曰寶公也草廬吳氏曰禮經儀禮僅存而樂經則亡

其經疑多是聲音樂舞之節少有辭句可讀誦記識故秦火之後無傳諸儒不過能言樂之義而已漢初

制氏頗能記其鏗鏘鼓舞至劉向所得樂記二十三篇又與河間獻王所撰二十四卷不同其所取十一

篇合爲一篇者蓋亦刪取要畧非全文也其餘十二篇及獻王之樂記則孔氏作疏時其書已泯絕矣愚按鄭本十一篇目次既與今本不同而史記樂書次序又與鄭本不同吳草廬復有更定次序亦未見其必然竊謂樂記一篇前後文雖不屬而脈絡通貫止是一篇文字至若樂本樂論等篇名大概乃漢儒所題章目如孝經開宗明義等章名之類耳未必其本然也今只依孔疏本次序而分爲二十一章如左

凡音之起由人心生也人心之動物使之然也感於物而動故形於聲聲相應故生變變成方謂之音比音而樂之及干戚羽旄謂之樂比必二反而樂之樂音洛○音統聲而遂通者也心不自動必有物以感之而後動聲則心之所發應應所感之物也變如下節所云方猶曲也長言而有序曲折而抑揚也音以人聲言比合也八音金石絲竹匏土革木也樂之猶言和之干戚武舞羽旄文舞也音由心生心以物動物感而聲應物之感無方而聲之應亦以生變言之不足而長言之不足故嗟歎之嗟歎之

不足則不知足之蹈之手之舞之於是和以八音舞以千羽此一節言樂之所由生由人心之有所感也樂者音之所由生也其本在人心之感於物也是故其哀心感者其聲噍以殺其樂心感者其聲嘽以緩其喜心感者其聲發以散其怒心感者其聲粗以厲其敬心感者其聲直以廉其愛心感者其聲和以柔六者非性也感於物而后動殺色介反噍音焦樂音洛嘽昌展反噍枯竭意殺先也聲變而成方然後比音而樂之及于戚羽旌是樂生於音也音由人心之感物而動是其本在人心之感於物也人之感於物者有哀樂喜怒敬愛之殊而聲之變以成方者亦有噍殺嘽緩發散粗厲直廉和柔之異蓋人之心至虛至靈統性情以爲體用方其寂然不動也未發之中不偏不倚則哀樂喜怒敬愛之理具備而實無哀樂喜怒敬愛之可言所謂性也及其感而遂通也則隨所感而聲應之所感有失得順逆尊親之異而所發亦隨爲哀樂喜怒

敬愛之情是六者之情則感於物而後動者也。是故先王此節承上文言情之所感不同而聲隨以變也。

慎所以感之者故禮以道其志樂以和其聲政以一其行

刑以防其姦禮樂刑政其極一也所以同民心而出治道

也。道行皆去聲。○性情之德人所同然物之所感者雜

失故所以感之者不可不慎也。是故先王慎所以感之者

道其志使一出於正也。和其聲使不感於邪也。禮樂者教

民之主而政刑者爲治之輔。要皆慎所以感民者。所以同

民心使無失其性情之正而已。故曰其致一也。○此章言

樂之本由人之感於物而先王制禮作樂則以慎所感

而同民心也。自此以下六章皆反復申明此章之意。○

凡音者生人心者也。情動於中故形於聲聲成文謂之音

是故治世之音安以樂其政和亂世之音怨以怒其政乖

亡國之音哀以思其民困聲音之道與政通矣。○心感於物而動爲情

情見乎辭爲聲聲成文而爲音故上之所感不同而民俗
歌謠之音以異世之治以政之和也世之亂以政之乖也
國幾於亡則民之困於虐政者又不止於乖矣政卽禮樂
刑政是也安以樂者和政之所感也怨以怒者乖政之所
感也哀以思者困窮之所發也聲音之道與政通者如此
苟出身加民者或失其道則禮樂刑政無不乖戾感非所
感矣故聖人審音以在治忽以啓
自省之端而慎其感民之本也

徵爲事羽爲物五者不亂則無怙懣之音矣

徵陟里反怙音規懣昌制

反○宮屬土而爲五聲之主商角徵羽皆由宮聲而定故
象君商屬金主義而近君故象臣角屬木主生而難和故
象民徵屬火主禮所以治事羽屬水主智所以別物也亂
失其序也怙懣不和也和聲之法十二律皆可起宮宮下
生徵徵上生商商下生羽羽上生角每宮各用五律至角
而止其有徵羽之律大於宮商者則取半律用之故宮必
最濁商角徵羽以漸而清五聲之序不相亂也然宮商角
徵羽各有君臣民事物之象聲音之道通乎政治則要必
君臣民事物之間各得其道而後宮商角徵羽之聲亦從
律而不姦有雖欲強之而不可得者此聽音之所以能在

治忽也。五者指君臣民事物言。五者不亂。政宮亂則荒。其

君驕。商亂則陂。其官壞。角亂則憂。其民怨。徵亂則哀。其事

勤。羽亂則危。其財匱。五者皆亂。迭相陵。謂之慢。如此則國

之滅亡無日矣。荒陵憂。良危。音之怙。懣也。驕。壞。怨。勤。匱。政

角徵羽之音亦迭相陵。蓋此宮而犯於彼。宮此律而姦於

彼律也。慢。濫。溢也。○政治之得失由於君。五聲之和慢由

於宮。君正則臣民事物皆得其理而無不正矣。宮正則商

角徵羽皆得其序而無不和矣。君失其道則臣民事物皆

隨以乖而五聲失序。此其感召之微。有存於不見不聞之

表者。故作樂本於君身而聽樂審音以在治忽。亦所以自

檢其身而非徒求之樂也。鄭衛之音亂世之音也。比於慢矣。桑間濮上

之音亡國之音也。其政散其民流。誣上行私而不可止也。

比必二反。○比及也。慢迭相陵也。桑間桑林之中。濮上濮

水之上。皆衛地。衛風有桑中篇。史記衛靈公適晉舍濮水

上夜聞琴聲使師涓聽而寫之至晉使師涓爲平公奏之
師曠曰此師延靡靡之樂也武王伐紂師延投濮水故
聞此聲必不可止此以證上節之說也○政者上之所以感
行私而不可止此以證上節之說也○政者上之所以感
也音生於人心下之所以應也此章言上之所以感民者
有得有失而民之應者有和有慢故審音可以知政而感
民者不可○凡音者生於人心者也樂者通倫理者也是
以不慎也○故知聲而不知音者禽獸是也知音而不知樂者眾庶是
也唯君子爲能知樂是故審聲以知音審音以知樂審樂
以知政而治道備矣倫類也倫理謂事物之理即上章君
臣民事物之治亂是也音生於人心
故眾庶皆能知音樂則協之六律諧於五聲而通乎倫理
故非察於倫理者不足以知樂也能察樂之和否而通之
政則能自考其得失而是故不知聲者不可與言音不知
脩政矣故治道備也音者不可與言樂知樂則幾於禮矣禮樂皆得謂之有德

德者得也

應氏曰。幾察也。倫理之中。皆禮之所寓。知樂則通於禮矣。不曰通而曰幾者。辨析精微之至也。

愚按。禮樂非有二事。

物得其序。則得其和矣。失其序。則乖而不和矣。苟不能齊明盛服。非禮不動。則一身之間。且有失其倫理者。而何足以與於樂哉。故知樂而通於政者。必

失其倫理者。

而何足以與於樂哉。故知樂而通於政者。必其能幾於禮而體之身者也。知樂則樂得矣。幾於禮則禮

得矣。德行道而有得於心之謂也。此所以出身加民而為

禮樂教化之原也。篇中至此。始以禮樂合言。蓋施於用。若

有兩途。而體之身。則無二致也。周子曰。禮理也。樂和也。陰

陽理而後和。君君臣臣父父子子。兄弟弟夫夫婦婦。萬

物各得其理而後

是故樂之隆。非極音也。食饗之禮。非致

和。故禮先而樂後

味也。清廟之瑟。朱弦而疏越。壹倡而三歎。有遺音者矣。大

饗之禮。尚玄酒而俎腥魚。太羹不和。有遺味者矣。是故先

王之制禮樂。非以極口腹耳目之欲也。將以教民平好惡

而反人道之正也。

食音。嗣越。光活。反倡和好。惡皆去聲。極音。致味。謂求其音味之美。以遂其口

而反人道之正也。

食音。嗣越。光活。反倡和好。惡皆去聲。極音。致味。謂求其音味之美。以遂其口

而反人道之正也。

食音。嗣越。光活。反倡和好。惡皆去聲。極音。致味。謂求其音味之美。以遂其口

而反人道之正也。

食音。嗣越。光活。反倡和好。惡皆去聲。極音。致味。謂求其音味之美。以遂其口

而反人道之正也。

食音。嗣越。光活。反倡和好。惡皆去聲。極音。致味。謂求其音味之美。以遂其口

而反人道之正也。

食音。嗣越。光活。反倡和好。惡皆去聲。極音。致味。謂求其音味之美。以遂其口

而反人道之正也。

食音。嗣越。光活。反倡和好。惡皆去聲。極音。致味。謂求其音味之美。以遂其口

而反人道之正也。

食音。嗣越。光活。反倡和好。惡皆去聲。極音。致味。謂求其音味之美。以遂其口

而反人道之正也。

食音。嗣越。光活。反倡和好。惡皆去聲。極音。致味。謂求其音味之美。以遂其口

而反人道之正也。

食音。嗣越。光活。反倡和好。惡皆去聲。極音。致味。謂求其音味之美。以遂其口

耳之奉也。清廟周頌首篇。疏通也。越瑟底孔也。練絲而染之。則聲平。疏越。則聲緩。一倡三歎。一人唱而三人和也。遺者。有餘不盡之意。淡。則欲心平。和。則躁心釋。故樂不欲致。所以養心治躬而為成德之本也。禮樂皆然。記者舉二端以見例耳。人道之所以失其正者。好惡之欲累之也。先王之制禮樂。亦惟本其所以自治者而推之。以治人耳。禮以節之。樂以和之。則好惡平。而人道正矣。此章承上章言樂通於政。而惟君子能知之。故君子不敢違禮縱欲。以立政之本。而後制禮樂以教民。皆首章慎所感而同民心之意也。

○人生而靜。天之性也。感於物而動。性之欲也。

劉氏曰。人生而

靜。喜怒哀樂未發之中。天命之性也。感於物而動。則性發而為情也。愚按。不曰情。而曰欲者。情乘氣而發。則中節者恆少。而不中節者恆多。記因下文而立言。故直曰欲。然欲亦未便是。不善邊。但其易流者耳。欲合於正。則欲亦無害。但既合於正。則亦不見其為欲矣。此曰性之欲。物至知知。則未離乎本善之體。而善惡未有定嚮焉者也。物至知知。然後好惡形焉。好惡皆去聲。○朱子曰。上知字。體也。下知字。用也。劉氏曰。人心虛靈知覺。事至物來。

則必知之而好惡形矣。愚按：知即天之性也。物至而知好

惡無節於內，知誘於外，不能反躬，天理滅矣。夫物之感人

無窮，而人之好惡無節，則是物至而人化物也。人化物也

者，滅天理而窮人欲者也。於是有悖逆詐僞之心，有淫佚

作亂之事，是故強者脅弱，眾者暴寡，知者詐愚，勇者苦怯，

疾病不養，老幼孤獨不得其所。此大亂之道也。好惡皆去

知音智。好惡發於外，而節好惡者在內。知本於內，而誘

知者在外。強弱以力言，眾寡以人言。知愚勇怯以氣質言。

劉氏曰：好善惡惡，則道心之知，賢原於義理者也。好妍惡

姪，則人心之知，覺發於形氣者也。好惡無節於內，知誘於

外，則是道心昧而不能為主，人心危而物誘之矣。不能反

弱以思其理之是非，則人欲熾而天理滅矣。况以無節之

好惡而接無窮之物，感心為形役，而違禽獸不遠矣。違禽

獸不遠，則氣剛者決力強者奪此，所以為大亂之道也。愚

按此節言人心不能無所感而無是故先王之制禮樂人以平其好惡則其害至於如此也。爲之節衰麻哭泣所以節喪紀也。鐘鼓干戚所以和安樂也。昏姻冠笄所以別男女也。射鄉食饗所以正交接也。禮節民心。樂和民聲。政以行之。刑以防之。禮樂政刑四達而不悖。則王道備矣。衰七雷反。安樂之樂音洛。冠食皆去聲。別必列反。劉氏曰先王制禮樂因人情而爲之節因其哀死而喪期無算故爲之衰麻哭泣之數以節之因其好逸樂而不能和順於義理故爲之鐘鼓干戚之樂以和之因其有男女之欲而不知有別故爲昏姻冠笄之禮以別之因其有交際之事而或失其正故爲射鄉食饗之禮以正之。恩按禮節於外所以直其心也。樂和其中所以善其發也。政則率民以行此禮樂刑則防民之不率此禮樂者而已。以四者達於天下而盡善不悖則王者治民之道備矣。此節言先王制禮樂所以平好惡而反人樂者爲同禮者爲異同則相親異則相敬樂勝則流道也。

禮勝則離。合情飾貌者。禮樂之事也。禮義立。則貴賤等矣。

樂文同。則上下和矣。好惡著。則賢不肖別矣。刑禁暴。爵舉

賢。則政均矣。仁以愛之。義以正之。如此。則民治行矣。好惡皆去

聲、同者。人之性情也。異者。人之分藝也。性情之同。萬物

一體。分藝之異。自卑尊人。流者和而無節。離者。嚴而不泰。

此非禮樂之失。人率其氣習之偏。以失之也。樂以合情。禮

以飾貌。所以救流離之失也。禮必有義。禮飾貌。文也。而義

則當其實。樂必有文。樂合情。內也。而文則有其節。故禮之

義立。則貴賤有等。而不失之離。樂之文同。則上下和睦。而

不失之流。貴賤等。禮之庸也。上下和。典之惇也。有禮樂以

平其好惡。故好賢惡不肖。而賢不肖別。由是禁暴舉賢。則

政無不和。命討以天矣。仁者。樂之本。萬物一體。義者。禮之

體。定分秩然也。以樂合情。而和上下。即仁愛之。以禮飾

貌。而等貴賤。即以義正之也。曰仁曰義。則本於君身之盡

性。言之。而非徒禮樂之虛文矣。禮樂同原而並行。故相資

以爲用。此節言禮樂之樂。由中出。禮自外作。樂由中出。故

效好惡。平而人道正也。

靜。禮自外作。故文。大樂必易。大禮必簡。樂至則無怨。禮至則不爭。揖讓而治天下者。禮樂之謂也。暴民不作。諸侯賓服。兵革不試。五刑不用。百姓無患。天子不怒。如此則樂達矣。合父子之親。明長幼之序。以敬四海之內。天子如此則禮行矣。易音異。長上聲。○應氏謂四海之內四字當在合外。故禮自外作。樂由中出。和而有節。故靜。禮自外作。嚴而泰。故文。易平。易簡。不煩也。中和祇庸。性所自具。而非難也。子臣弟友。事在家庭。而非煩也。順其性之自然。人人所同。故易。循乎理之當然。因物付物。故簡。若徒縱情以忘反。則人惡其險矣。虛文而無實。則人厭其煩矣。豈禮樂之至哉。同天下之情。而無少私曲。易之至矣。人皆遂其本然之情。而何怨之有。定天下之分。而適當其則。簡之至矣。人各安其分。之當然。而何爭之有。禮樂之至。而天下無怨不爭。是揖讓而治天下也。試用也。天子不怒。無所庸其怒也。暴民息。諸侯服。兵刑措。民和而君無爲。無怨之實也。四海之內。

各親其親。各長其長。而尊戴天子。不爭之實也。必如此。而後爲禮。行樂達人。君當以效自考也。此節言好惡平。人道正之至。禮樂之極功也。然曰易曰簡。則亦適還。夫人性之所固有。而非有加於天下之民矣。○此章承上章教民平好惡。反人道而言。以申首章之意。章首三節。卽首章次節之意也。先王制禮樂以下。卽首章末節之意也。至末節而言禮樂之治極其至矣。下三章則又推禮樂之本於天地。而歸制作之能於聖人也。○大樂與天地同和。大禮與天地同節。和故百物不失節。故祀天祭地。明則有禮樂。幽則有鬼神。如此則四海之內合敬同愛矣。禮者。殊事合敬者也。樂者。異文合愛者也。禮樂之情同。故明王以相沿也。故事與時並。名與功偕。禮承上章大樂必易大則與天地同和。率其自然。而無所強也。簡之至。則與天地同節。循其當然。而無所爲也。率其自然。故百物無所遂其生。循其當然。故天地亦各安其位。祀天祭地。猶言郊焉而天神假也。在聖人之制作。則爲禮樂。在造化之功用。則爲

鬼神其實一理而已。經曲之事殊而敬同。聲律之文異而愛同。禮樂之大。建諸天地而不悖。質諸鬼神而無疑。如此故能使四海之內無不一於敬愛。此大禮大樂之化成也。敬愛之情同。故明王之因之而不能愛。而禮樂之文殊。事殊則明王不無損益於其間。惟其與時通變而不失其情。之同。故事與時並。如唐虞之時。則有揖讓之事。夏殷之時。則有征誅之事。而凡文質三統。無不與時通變。以使民宜之。名與功偕者。功成作樂。故歷代樂名皆因其所立之功而名之。朱子曰。禮主減。樂主盈。鬼神亦只是屈伸之義。故鐘鼓管磬羽籥干戚樂之器也。屈伸俯仰。綴兆舒疾。樂之文也。簠簋俎豆。制度文章。禮之器也。升降上下。周還裼襲。禮之文也。故知禮樂之情者能作。識禮樂之文者能述。作者之謂聖。述者謂之明。明聖者。述作之謂也。還音旋。綴舞者之行位相連綴也。兆舞者位之營兆也。文深於器。情深於文。器者有司之事耳。文雖與時損益。而一王定制。有迹可循。故賢者能因文以察情。若情則雖明王所相沿。而時中之道有非禮記章句

深通乎易簡之理以有之於身者不能因時制宜以爲天
下之法守而無弊也故惟聖者能之○此章承上章易簡
之意而言其成功之所合因言明王制作情則相沿而無
可變而文之損益則因乎時亦據成功言也文者道之散
殊故賢者能述之情則道之一本惟聖人能知之惟聖人
知禮樂之情故能與時損益使民宜之而制作之成功合
乎天矣○樂者天地之和也禮者天地之序也和故百物皆
化序故羣物皆別樂由天作禮以地制過制則亂過作則
暴明於天地然後能興禮樂也承前章樂者爲同禮者爲異而言同者一本之體訢
合無間天地之氣氤化醕也異者萬殊之分秩然有序天
地之各正性命也訢合無間百物之所以並育並行秩然
有序羣物之所以不害不悖此天地之所由然也法天地之
和樂之所由作也效天地之序禮之所由制也天知始而
地成能故以樂屬天以禮屬地由天作者法其運動之機
以地制者守其一定之理然禮有定制而莫非出於自然
若過於制則反亂而失序矣樂主振作而要適合夫當然
若過於作則反暴而不和矣此人事之宜然也大地之道

循環無端而對待有體動而不流靜而不息故明於天地之道然後能興禮樂而無過作過制之失也劉氏曰前言同和同節言成功之所台此言天地之陰陽相為流通故始法之所本蓋聖人之禮樂與天地之陰陽相為流通故始也法陰陽以為禮樂終論倫無患樂之情也欣喜歡愛樂也以禮樂而贊夫陰陽論倫無患樂之情也欣喜歡愛樂之官也中正無邪禮之質也莊敬恭順禮之制也若夫禮樂之施於金石越於聲音用於宗廟社稷事乎山川鬼神則此所與民同也夫音扶○論者言之有物倫者行之有恆無患不自失也情實也欣喜之情之恆於中歡愛之情之暢於外官主也中者內之直正者外之方中正則無邪矣莊敬所以持己恭順所以接人也此亦以禮樂本然之理言言行動而交於人論倫無患和也而樂之實存焉矣以欣喜歡愛為主則動而振作矣然論倫無患則作而不暴也敬義靜而脩於己中正無邪序也而禮之質存焉矣以莊敬恭順為制則靜而有檢矣然中正無邪則制而不亂也蓋樂以論倫無患為實而人則主於欣喜歡愛以出之禮以中正無邪為質而人則要於莊敬恭

禮記章句

卷之七

樂言第十九

九

順以守之。及大播於聲音。用之祭祀。則禮樂之事興焉。亦
不過卽此情質官制以爲教。而推之以與民共由焉已耳。
王者功成作樂。治定制禮。其功大者其樂備。其治辨者其
禮具。干戚之舞。非備樂也。孰亨而祀。非達禮也。五帝殊時
不相沿樂。三王異世。不相襲禮。樂極則憂。禮粗則偏矣。及
夫敦樂而無憂。禮備而不偏者。其唯大聖乎。辨音獨亨音
烹夫音扶。
王者乘時赴功。而卽其所成之功。以著之於樂。因世定治。
而卽其所定之治。以制之爲禮。功治定於一時。而禮樂則
將以垂之永久者也。功大而治偏。故樂備而禮具。言大無
不包。小無所遺。亦效天之百物皆化。羣物皆別也。然所謂
備具者。非干戚而舞。孰亨而祀。之謂也。蓋制作因乎時。其
迹不相沿襲。而序和之理。情質官制。則無或殊。過作而
暴。則樂極憂生。過制而亂。則粗迹偏頗。唯厚於樂。而無夏
禮制備而不偏。爲有以和上下而等貴賤。則樂備禮達之
謂矣。非明於天地之道者。孰能與此。以治功言。則曰王者
以德業言。則曰大聖內聖外王。其實一也。○此承前章同

異之意而言效法之所本。因言帝王制作不相沿襲。而要於敦樂無憂。禮備不偏。亦以效法言也。聖王制作於民共由。而制作之盡善惟聖王擅之。蓋以其身有其德。故於天地之序和有默契焉者。是以能效法於天地而興禮樂也。

○天高地下。萬物散殊。而禮制行矣。流而不息。合同而化。而樂興焉。春作夏長。仁也。秋斂冬藏。義也。仁近於樂。義近於禮。樂者敦和。率神而從天。禮者別宜。居鬼而從地。故聖

人作樂以應天。制禮以配地。禮樂明備。天地官矣。長之文反。○高

下定位。而萬物秩然。天地之序也。於穆不已。而生意油然而天地之和也。雲行雨施。品物流形。仁也。各正性命。保合太和。義也。仁非有樂之文。而油然而然者。樂之氣象。義非有禮之迹。而秩然者。禮之體段。故曰近之。聖人因天地之仁而作樂。以宣之。因天地之義而制禮。以範之。是效法之所本也。敦。加厚也。人物得天地之和。而樂以加厚之。所以循流行之化。而順天德之分。而順地道之成也。樂以應天。禮以配地。

故樂明而物遂其情。禮備而物安其分。則天地亦以官焉。此成功之所合也。禮未嘗不本於天。樂未嘗不本於地。然樂從天而禮從地者。資始本天德之倡。而利貞則地以代終也。聖人效法天地以作樂制禮。而禮樂之成。則能使天地官。天地能示人以道。而不能使人之盡道。故脩道之教。必有藉乎聖人。聖人之制作明備。則天地氣化。亦若就聖人之範圍。而無復遺憾。此天尊地卑。君臣定矣。卑高以陳。所以贊化育而參天地也。貴賤位矣。動靜有常。小大殊矣。方以類聚。物以羣分。則性命不同矣。在天成象。在地成形。如此。則禮者天地之別也。尊卑卑高動靜方物。以天地之序言。君臣貴賤小大性命。以禮制之。台言也。天尊地卑。天地自然之君臣。卑高雜陳。兩間自然之貴賤。陽動陰靜。各有其常。陰陽自然之定分。小謂陰。大謂陽也。方猶術也。方之同者。則以類聚。物之異者。則以羣分。庶物各正之性命。凡此在天者。則如日月星辰。各垂其象。在地者。則有山澤高下。各呈其形。皆莫非自然之序之所燦著。聖人之制禮。不過法此而已矣。是禮者。天地之別也。應氏曰。此卽所謂天高地下。萬物散殊。而禮

制行焉也。地氣上齊。天氣下降。陰陽相摩。天地相蕩。鼓之以雷。

霆。奮之以風雨。動之以四時。煖之以日月。而百化興焉。如。

此則樂者天地之和也。齊音躋。齊升也。陰陽以氣言。天

相蕩也。鼓之。動其機也。奮之。作其氣也。百化。百物之氣化

也。凡此皆莫非自然之化之所合同。聖人之作樂。亦不過

效此而已。是樂者天地之和也。應氏曰。此化不時。則不生

即所謂流而不息。合同而化。而樂興焉也。

男女無辨。則亂升。天地之情也。化以和言。男女以別言。天

矣。乾道成男。坤道成女。人而男女無辨。則亂作矣。此理之

自然。故曰天地之情也。天地之化不時。則不和。而序亦以

失。人倫之辨失。則無序。而亦以乖天地之及夫禮樂之極

平。天而蟠乎地。行乎陰陽。而通乎鬼神。窮高極遠。而測深。

厚。樂著大治。而禮居成物。著不息者天也。著不動者地也。

一動一靜者天地之間也。故聖人曰禮樂云。

此乃以聖人之制作言發

育萬物峻極於天。樂之極乎天也。禮儀三百威儀三千。禮之蟠乎地也。陰陽以對待言。鬼神以屈伸言。樂率神而從天。禮居鬼而從地。行乎陰陽而通乎鬼神也。測深入之意窮極高遠而入深厚。言禮樂之大無不周而小無所遺也。知大始者天之道而樂以宣其和。作成物者地之道而禮以定其序。宣其和則羣生以無不遂。定其序則性命以無不正。是大始以樂而著而成物以禮為居也。羣遂其生則氣化通而不息。各正性命則定分安而不動。夫不息者天也。而樂則顯其不息之理。是禮亦天而已。同和同節蓋不足言也。然樂主乎動而未嘗無節。而禮藏於靜。禮主乎靜而未顯於動。樂之用未嘗無節。而禮之本未始不和。蓋陰陽無始。循環無端。一動一靜互為其根。陰陽本無二氣。禮樂亦非二道。故曰一動一靜天地之間。猶易大傳云。一陰一陽之謂道也。禮樂之至與天地一。故聖人著其教以示天下也。蔡氏曰。禮樂止是一理。禮之和即樂之節。即禮善觀者。知陰陽之所以為二。又知陰陽之和即樂之節。即禮善樂之體用矣。○此章言天地之序和即本然之禮樂。而聖

人之制作一天地之序和。故效法天地者。還而贊助天地。所以總結上二章之意也。○昔者舜作五絃之琴以歌南風。夔始制樂以賞諸侯。故天子之爲樂也。以賞諸侯之有德者也。德盛而教尊。五穀時熟。然後賞之以樂。故其治民勞者。其舞行綴遠。其治民逸者。其舞行綴短。故觀其舞。知其德。聞其謠。知其行也。舞行之行音杭。其行之行下孟反。○

舜作琴以歌南風。以己之德發之於樂也。南風之詩見孔子家語。夔舜臣名。始制樂以賞諸侯。謂舜命之使廣其德。教於天下。然以樂賞諸侯。自夔始耳。非謂夔之制樂專以賞諸侯故也。爲樂以賞諸侯。之有德者。言惟有德者乃以樂賞之。蓋諸侯不得自作樂。則用樂必待天子之賜。而天子之賜諸侯樂也。又必稱其功德之所象。故行綴之長短視其治民之勞逸。所以勵諸侯使興起於德也。古者爵必稱德。如三德有家。六德有邦。而樂舞亦稱之。若諸侯六爵必大夫四伯之類。然唐虞之制。詳不可考矣。樂以移風易俗。然又必其有德而後以樂稱之者。周子所謂政善民安人禮記章句卷之七

心而後作樂之意。蓋非有德無以用樂。而非樂教以無
以成其德。業教化之盛。虞書勸之以九歌。俾勿墮。則樂教
之道也。然虞書以樂教胄子。則天子諸侯卿大夫元士之
子皆得與於樂教。而諸侯之必待賜樂者。蓋祭祀燕饗得
以用樂。則必待有。大章章之也。咸池備矣。韶繼也。夏大也。
德而後賜之也。

殷周之樂盡矣。

大章堯樂咸池或云黃帝樂或云堯樂未
詳孰是韶舜樂夏禹樂殷樂漢樂也周樂武

也。章之云者釋樂之名義言章其大德於天下也咸皆池
施備謂德施普也繼繼堯致治大事功之大盡猶備也言
事功之盛無不至也以德之隆言則孔子以韶爲盡善以
樂之備言則殷周爲至意各有所主也此即前章所謂事
與時並名與功偕者歷舉六代之樂而釋之所以證觀舞
知德之說也。○此章言觀舞知德蓋又本之君身言之所
以起下六

○天地之道寒暑不時則疾風雨不節則饑教

者民之寒暑也教不時則傷世事者民之風雨也事不節
則無功然則先王之爲樂也以法治也善則行象德矣

暑寒

不時則人感不正之氣而生疾教不時則人感邪僻之化而興慝風雨不節則旱乾水溢而歲饑事不節則莫知適從而萬事叢脞蓋道無定體隨時而在帝王之禮樂所不同者時而已耳天地之道無時不然無物不有先王制作事與時並名與功偕所以因時敷教而事爲之節是法天地之道而施之以治民也教無不時事無不節則盡善而民之事行亦夫豢豕爲酒非以爲禍也而獄訟益繁則酒之流生禍也是故先王因爲酒禮壹獻之禮賓主百拜終日飲酒而不得醉焉此先王之所以備酒禍也孔氏曰鄉獻無百拜此云百拜喻多也愚按禮以防禍此特舉一獻之禮以例其餘見因時節事之一端也故酒食者所以合歡也樂者所以象德也禮者所以綴淫也食音綴止也承上文而言象德是故先王有大事必有禮以哀謂行象德統注謂備酒禍之有大福必有禮以樂之哀樂之分皆以禮終樂音洛○大事謂凶

喪哀樂之事皆節之以樂也者聖人之所樂也而可以善

民心其感人深其移風易俗故先王著其教焉所樂之樂音洛○應

氏本漢志俗字下增一易字音以鼓反今當從之聖人之

所以樂自樂其天而已然樂而有節而其道則人心所同

故可以善民心也本自樂者以教人故感人深有以善民

心故移風易俗易聖人本自樂者以教民乃所謂象德也

禮先而樂後者無以綴其淫不能使之象德此施教之序

亦唯其時也○此章承上章言先王制作因時施教而事

爲之節皆所以綴○夫民有血氣心知之性而無哀樂喜

淫而使民象德也○怒之常應感起物而動然後心術形焉夫音扶樂音洛○血氣心知之性以

知覺運動言應感起物而動應其感起於物者而動也形

發見也感之以正而道心生感之以欲而人心動乃所謂

無常是故志微噍殺之音作而民思憂志當作急噍音焦

也六條皆言音之感人而人心應之如此志微急促而微細

也急微噍殺音之哀思者以哀思之音感人則民亦感其

音之哀思。而思憂矣。嘽諸慢易繁文簡節之音作。而民康樂。嘽昌展反。易音
異樂音治。○嘽。寬。諸。和。慢。緩。易。平。也。繁文簡節。多文辭而
略於節奏也。此音之和樂者。故以此感人。則民亦感於和。
樂之音而。粗厲猛起。奮末廣賁之音作。而民剛毅。賁音憤。
康樂矣。起之暴也。奮末。終之厲也。廣賁。中間之憤怒也。此音之
暴怒者。故以此感人。則民亦感於暴怒之音。而剛毅矣。廉
直勁正莊誠之音作。而民肅敬。勁正。堅強而端正也。此音
亦感之而。寬裕肉好順成和動之音作。而民慈愛。肉好。而救
肅敬矣。肅。敬。肉。好。順。成。和。動。之。音。作。而。民。慈。愛。反。肉。而。救。
聲。○肉。璧之地。好。璧之孔。音之圓滿而溫潤。似之。流辟邪。
此音之慈愛者。以此感人。則民亦感之而慈愛矣。流辟邪。
散狄成滌濫之音作。而民淫亂。辟音僻。狄。他。歷。反。○狄。逃。
繁節。故其成甚長。滌濫。如水之滌。物蕩漾而濫。無分際也。
此音之淫洩者。故以感民。則民亦感之而淫亂也。音感於
外。而民之心術應於中。是故先王本之情性。稽之度數。制
此上章所謂感人深也。

之禮義合生氣之和道五常之行使之陽而不散陰而不
密剛氣不怒柔氣不懾四暢交於中而發作於外皆安其
位而不相奪也。道去聲。○應感起物而動情也。其未動之
上下損益之數也。禮者上下尊卑之體而義則禮之實因
時之宜也。情性者樂之大本而情失其節則失其中和之
氣以流蕩忘反矣。律呂之長短損益即生氣自然之節次
而人不得以私意增損於其間者其在人則天人之交天
命之性也。先王稽之度數則合乎生氣之和而情之本有
由立矣。禮義著於事物皆天理當然之所在而人所不可
須與離者率性之道中節之和也。先王制之禮義則循乎
五堂之行而性之用有其節矣。陰陽以天氣言。剛柔以地
氣言。人得天地之氣而生則人之氣即天地之氣所謂生
氣也。陽過則散陰過則鬱。剛過則怒柔過則懾。其在樂則
音之所以乖而在人則情之所以流。惟稽之度數以爲之
則使之律呂相維而陰陽無偏勝之患。旋相爲宮而剛柔
有相濟之用。此所謂合生氣之和也。和暢之氣交於中則
不偏不倚是以發於外者皆五聲成文而安其位。八音克

諧而不相奪而禮義之制亦寓乎其中矣。中者樂之未發也。而和氣已寓於度數外者聲之所著也。而禮義同具於聲。詩此先王作樂之道。然後立之學等。廣其節奏省其文而用以感人之本也。

采以繩德厚律小大之稱比終始之序以象事行使親疏

貴賤長幼男女之理皆形見於樂故曰樂觀其深矣。奏音

族省

悉井反稱去聲比必二反御下孟反長之丈反見賢徧反觀官喚反。立之學所以為教也。立之等所以節事也。廣播省察也。節奏歌舞之節。文采聲容之著也。夫本生氣之和以發為聲容。既有以養人之中矣。而凡播之聲容歌舞者又必省其節文。以使皆衷乎禮義。是以使學者涵濡於斯。則有以閑其非僻之干。而成其性情之德。是所謂以繩德厚也。此以言立之學也。律齊之以法比聯之以序大小之稱稱事物之大小而以樂象之終始之序序事物之始終而以樂比之行之於身謂之行措之家國謂之事。夫道五常之行以和其性情。既有中物之節矣。而凡事物之大小終始又為律之比之以使皆合乎度數。是以本所樂者而發之則歌有以象其功而舞有以象其德。是所謂以象

事行也。此以言立之等也。繩德厚。而人倫之理存。象事行。而人倫之事著。觀示法也。樂觀猶言樂教。樂觀其深矣。蓋古有是言。而記者引之。○此章承上章感人深而言民心無常。惟其所感。而聲音之感。人則尤其速者。故先王作樂。必合生氣之和。道五常之行。以繩德厚。而象事行。則樂之教人。亦以深也。作樂之實。此章為詳。惜制度之實。今已茫無可考。周子曰。疾則欲心平。和則躁心釋。又曰。樂聲淡。則聽心平。樂辭善。則歌者慕。妖聲豔辭之化。亦然。今按此章之言。蓋與周子之言相表裏。然則學者試由此。而釋之。古樂之所以為古樂也。或亦可想見歟。○土敝。則草木不長。水煩。則魚鼈不大。氣衰。則生物不遂。世亂。則禮慝而樂淫。是故其聲哀而不莊。樂而不安。慢易以犯節。流湎以忘本。廣則容姦。狹則思欲。感條暢之氣。而滅平和之德。是以君子賤之也。樂而之樂音洛。易以鼓反。感如字。○敝力竭也。煩擾也。湎沈沒之意。廣則容姦。狹則思欲。謂淫樂之迷成。則中容姦律之音。而促節則動人以貪欲之念也。樂主乎盈盈而不反。則放故條暢。

之氣過則平和之德滅周子曰後世禮法不脩政苛刑繁縱欲敗度下民困苦謂古樂不足聽也代變新聲妖淫愁怨導欲增悲不能自止故有賊君棄父輕生敗倫而不可禁者亦此節之意也將言樂之移風易俗故先言此以起下文凡姦聲感人而逆氣應之逆氣成象而淫樂興焉正聲感人而順氣應之順氣成象而和樂興焉倡和有應回邪曲直各歸其分而萬物之理各以類相動也倡和分皆去聲心姦聲即上文所云者逆氣拂乎生氣之和者成象被之管弦動以干羽也正聲如下文所云者聲以發於人者言氣以律呂之動於自然者言聲倡而氣和之成象即聲氣之著樂即所成之象聲氣各以類應而萬物之理亦各以類相感故風俗亦視乎樂之所感而移易是故君子反情以和其志比類以成其行姦聲亂色不留聰明淫樂慝禮不接心術惰慢邪辟之氣不設於身體使耳目鼻口心知百體

皆由順正以行其義

比必二反行下孟反辟音僻○倡和之應各歸其分故君子欲以樂移易

天下者必先反以自慎而自脩焉情易流而不反情流則志以乖反情所以和其志也此敬以直內也此依類善也

比類以成其行義以方外也姦聲亂色不留聰明比類成行之事淫樂慝禮不接心術反情和志之事順正謂正聲順氣也身心內外皆由順正則足以興和樂而為移風易俗之本矣真氏曰君子之所以自養者無他內外交致其功而已姦聲亂色不留聰明養其外也淫樂慝禮不接心術養其內也情慢之氣自內出者也邪僻之氣自外入者也二者不設於身體則是外而耳目鼻口百體然後發以內而心知皆由順正以行其義自養之功畢矣然後發以聲音而文以琴瑟動以干戚飾以羽旄從以簫管奮至德之光動四氣之和以著萬物之理是故清明象天廣大象地終始象四時周還象風雨五色成文而不亂八風從律而不姦百度得數而有常小大相成終始相生倡和清濁

迭相爲經。故樂行而倫清。耳目聰明。血氣和平。移風易俗。

天下皆寧。

還音旋。倡和皆去聲。○身心內外皆由順正。則

不莊不安。犯節忘反之失矣。奮發也。至德。卽其所得於己者。至德發於聲容。則聲容皆至德之光也。四氣之和。卽陰陽剛柔之氣。生氣之和也。動四氣之和。所謂正聲感而順氣應者也。萬物之理。卽親疏貴賤長幼男女之理。五常之行也。著萬物之理。則順氣成象矣。清明。以氣象言。廣大。以體段言。終始。以次序言。周還。以節奏言。象。天地四時風雨此皆順氣所成之象。然非作意而爲之者也。五色以配五聲。宮黃。商白。角青。徵赤。羽黑。雜以成文。謂清濁高下各得其序。論語所謂皦如者也。八風以配八音。西方閭闔風。其音金。西北不周風。其音石。北方廣莫風。其音革。東北條風。其音匏。東方明庶風。其音竹。東南清明風。其音木。南方景風。其音絲。西南涼風。其音土。合作同聲。皆比於律。而無彼此不節之失。則所謂純如者也。不曰五聲。八音。而曰五色。八風者。蓋以兼舞之容綴言之。百度。凡樂器之制度舞者之綴兆皆是也。得數而有常。合乎律呂之長短大小輕重而無參差不齊之失。各守其常而不易也。此三者和樂之

豐己言

卷之七

樂記第十九

七

經也。小大相成。八音有大小。五聲有高下。而彼此相濟。前後相輔。無失大失小之病也。終始相生。累累如貫珠。無絕續之失。此所謂繹如者也。此倡彼和。或清或濁。各有條理。而合以成章。所以迭相爲經。此四句和樂之綸也。樂無不和。如此可以成章。所以德厚而象事行矣。故立之學等以教天下。則萬物之理無不精明。使人耳之所接者皆正聲。而姦聲無自以墜其聰。目之所交者皆正色。而亂色無自以蔽其明。身之所動者皆順氣。而血氣無不和平。是以風移俗易。而天下皆安也。本其所自脩。故曰樂者樂也。君子樂得其者以感人。此和樂之成也。

道。小人樂得其欲。以道制欲。則樂而不亂。以欲忘道。則惑

而不樂。

樂也。以下樂字皆音洛。○此反本言之。樂也者。聖人之所以樂也。以道制欲。則有和平之樂。而無姦

慝之惑矣。

是故君子反情以和其志。廣樂以成其教。樂行

而民鄉方。可以觀德矣。

鄉去聲。○以道制欲。則樂而不亂。故君子必反情和志。以成已而後

廣樂成教。以及物反情和志。又比類成行之本。不言比類成行。舉內以該外也。方義也。樂行而民鄉方。則風移俗易。

矣。是。可以。驗。君。子。之。德。也。此。兩。節。總。結。上。文。之。意。○。此。章。承。前。章。移。風。易。俗。而。言。聲。氣。之。感。各。以。類。應。故。君。子。自。慎。其。身。以。立。禮。樂。之。本。然。後。本。其。所。自。得。者。以。著。之。樂。則。和。樂。之。行。天。下。被。之。風。移。俗。易。矣。然。此。章。之。言。實。與。上。章。相。表。裏。上。章。言。制。作。之。詳。此。章。言。自。脩。之。本。有。自。脩。之。本。而。後。可。語。制。作。之。詳。則。非。分。二。事。也。顧。凡。樂。皆。感。人。深。而。移。風。易。俗。必。期。於。德。是。以。各。有。所。主。言。之。篇。內。第。三。章。已。見。樂。本。於。德。之。意。而。脩。德。之。實。則。此。章。為。始。詳。讀。者。宜。深。玩。焉。

○德者。性之端也。樂者德之華也。金石絲竹。樂之器也。

詩。言。其。志。也。歌。咏。其。聲。也。舞。動。其。容。也。三。者。本。於。心。然。後。樂。器。從。之。是。故。情。深。而。文。明。氣。盛。而。化。神。和。順。積。中。而。英。

華。發。外。惟。樂。不。可。以。為。偽。

性莫非德。然性無可見。而德則誠中形外。故德為性之端。而樂

又以章德。是樂者德之華也。詩歌舞三者。皆樂之事。而志聲容三者。皆本於心。心之所之。曰志。而詩以言之。然後歌以永其聲。舞以動其容。樂器則和聲而飾之。已耳。德性寓於心。而心之所感。為情感之所應。為氣情。即德之見端。氣

卽樂之所以成象者也。志聲容皆情之發。而詩歌舞皆文之著。故其情深者。則其文明矣。詩歌舞皆氣之應。而樂器從之。則象以成。故其氣盛者。則其化神矣。化神謂感人之速也。惟和順之德積於中者厚。故情深而氣盛。故樂之英華發於外者。亦文明而化神。誠中形外。而豈可以僞爲之也哉。○此章言樂必本於德。而不可爲僞。所以申前章象德之意也。○樂者。心之動也。聲者。樂之象也。文采節奏。聲之飾也。君子動其本。樂其象。然後治其飾。是故先鼓以警戒。三步以見方。再始以著往。復亂以飭歸。奮疾而不拔。極幽而不隱。獨樂其志。不厭其道。備舉其道。不私其欲。是故情見而義立。樂終而德尊。君子以好善。小人以聽過。故曰生民之道。樂爲大焉。樂其之樂音格奏音族拔蒲未反見音現好去聲○心之靜也寂然而已無樂之可言也及動而發於聲則樂已有其象矣因其聲而飾之斯樂作焉是樂者心之動也君子因其心之所動而樂其德

音之發於是治其飾以樂之。故象之所著莫非其本之所形。卽前章本之性情之意也。凡作樂之始先擊鼓以警人而戒其逸志。蓋亦以動其本也。而舞者之始必三舉步以示其舞法。審慎之意也。然後再擊鼓以始之。而著其進及將反綴之時則八音合作以飭治其歸位。亂樂之卒章蓋古者必合樂而後終。歌舞皆然也。舉樂舞而言皆樂象治飾之事也。拔過疾也。聲容之奮也。疾速而本以德性則不拔。若始以警戒再以見方。著往飭歸其不拔者可見矣。性情之動也。幽微而發以聲容則不隱。樂其象治其飾皆性情之所表見也。本其心之所動而樂之是獨樂其志耳。樂之則不厭其道矣。然心之動也形見於樂是樂已備舉其道也。著於樂而爲眾所觀法則不私其欲矣。動其心而發於象情之見也。德亦著焉。而義立矣。治其飾而著其教。樂之終也。化以神焉。而德尊矣。故君子聽之則益以感於善而小人聽之亦足以改其過。樂之於人不誠大哉。生民之道樂爲大焉。亦古語而記者引之。○此章言德之形見於樂而足以感人。亦以

○樂也者施也。禮也者報也。樂樂其所自生。禮反其所自始。樂章德。禮報情。反始也。樂其之樂

猶反也。樂由中達外。陽之施也。禮制外養中。陰之報也。樂其所自生。樂其所得以生者。順而達之也。反其所自始。防其後起之私。以全其本始。逆而溯之也。施故內之。所謂大德無不章。報故人之情無不報。此言禮樂之用。

輅者。天子之車也。龍旂九旒。天子之旌也。青黑緣者。天子

之寶龜也。從之以牛羊之羣。則所以贈諸侯也。

緣去聲。青黑緣蓋。

襲龜之巾。石梁王氏曰。此八句專言禮。與上下文不相承。當是他篇之錯簡。

樂也者。情之不可

變者也。禮也者。理之不可易者也。樂統同。禮辨異。禮樂之

說管乎人情矣。

情之感通為樂。情著於樂。則不可變。理之節文為禮。理制為禮。則不可易。情則相通。

其心同也。故樂統同。物各有理。其分殊也。故禮辨異。以統同者。養心。則情有所循而不乖。以辨異者。應物。則情有所節而不流。是禮樂之說。管窮本知變樂之情也。著誠去僞。乎人情也。此言禮樂之體。

禮之經也。禮樂頌天地之情。達神明之德。降興上下之神。

而凝是精粗之體。領父子君臣之節。去起呂反。領音負。窮盡也。知猶主也。情。

實經。常也。傾。依象也。凝。聚也。成也。精。道。粗。器。領。統也。本者。

人心寂然不動之本體。而變者。感應之情。誠者。人生所得。

於天之實理。而偽者。後起之私。樂由情作。而統同。所以盡。

其心。而為萬變之主。禮以理制。而辨異。所以著其理。而去。

偽。妄之私。是窮本知變。為樂之實。而著誠去偽。為禮之經。

也。傾。天地之情。禮者。天地之序。樂者。天地之和也。達神明。

之德。樂率神從天。禮居鬼從地。降興上下之神。以祭祀言。

道。非器無所寓。器非道無所主。而禮樂以凝之。使不相離。

也。父子君臣。情勝則流。分勝則離。而禮樂以節之。是無所偏也。此合禮樂之體。用言之。是故大人舉。

禮樂。則天地將為昭焉。天地訢合。陰陽相得。煦嫗覆育萬

物。然後草木茂。區萌達。羽翼奮。角觫生。蟄蟲昭蘇。羽者嫗

伏。毛者孕鬻。胎生者不殯。而卵生者不殯。則樂之道歸焉

耳。訢音欣。煦吁句反。嫗於句反。區音鉤。觫音格。伏扶又反。

鬻音育。殯音濱。殯呼昊反。○訢和悅意。煦以氣煖之。嫗。

豐己章句 卷之七 樂記第十九 三

以形煖之也。脩角之無腮者。昭明。蘇生也。胎敗曰殯。卵敗曰殯。言禮樂之體用如此。故大人以德居位而制禮作樂。則天地之道於是昭明焉。又言天地之氣。絪縕化醇而萬物資始。資生則動植飛走無不各正性命。樂之爲道亦若是焉耳。此卽所謂流而不息。合同而化而樂興焉者。大人卽天道以制禮樂。是以舉禮樂而天地爲昭。此所以爲贊化育而與天地參也。○前四章言聖人作樂之事。體用備矣。此章言報施之用。迭爲屈伸。而統同辨異各有定體。要之樂以由體達用。禮以閑邪存誠。則合之一理而已。禮樂體物而無不在。皆天理之本然。故大人舉禮樂而天地爲昭。合時節事之功。於是爲至。蓋又合而言之。所以終象德綴淫之意也。○樂者。非謂黃鐘大呂弦歌干揚也。樂之末節也。故童者舞之。鋪筵席。陳尊俎。

列籩豆。以升降爲禮者。禮之末節也。故有司掌之。樂師辨乎聲詩。故北面而弦。宗祝辨乎宗廟之禮。故後尸。商祝辨乎喪禮。故後主人。是故德成而上。藝成而下。行成而先。事

成而後。是故先王有上有下。有先有後。然後可以有制於

天下也。

行下孟反。○宗祝。宗廟之官。商祝。卽周禮喪祝也。禮樂凝精粗之體。道器本無二端。而人之自得。有

淺深之殊。斯所成有德藝之異。致禮樂以治身心。則有以成其德行。苟習於器數聲容之末。而遺其形上之理。則不過一藝一事之成而已。德藝以得於己言行事。以施之用言也。先王尚德先行。而不遺藝事。故以之治己則身脩。以之用人。則器使。以之治天下。則風移俗易矣。○前數章言禮樂之化成天下。以道言也。然道不離器。記者又恐人之得粗遺精。而謂氣數聲容遂足以盡禮樂之道也。故此章又以道器分別言之。自此以下四章。又皆所以申明此章之意。○

魏文侯問於子夏曰。吾端冕而聽古樂。則唯恐臥。聽

鄭衛之音。則不知倦。敢問古樂之如彼何也。新樂之如此

何也。

魏國名。文侯。魏君名斯。古樂淡以和。故無以悅耳。新聲妖以豔。故聽之忘倦。

子夏對曰。今

夫古樂。進旅退旅。和正以廣。弦匏笙簧。會守拊鼓。始奏以

文復亂以武治亂以相訊疾以雅君子於是語於是語於是道古

脩身及家平均天下此古樂之發也夫音扶相去聲○族

容之和平端正而廣也。拊縫韋爲鼓中實以糠兩手拍之。以節歌者堂上弦歌以拊節之堂下笙奏以鼓節之會守

拊鼓言齊一而有節也。文木鐸武金鐸夾持以節舞者舞

之始作以木鐸進之及其終而反綴則以金鐸還之。相卽

拊也。於樂之終以相治之使亂而不陵節也。雅亦樂器狀

如漆而弁口長五尺二寸以羊韋輓之春地作聲於舞

之疾以雅節之使疾而不失度也。古樂之和而有節如此

故樂終可以言樂之倫理可以因古樂而言古人之德業

以之治己則身脩以之治人則平

均天下是古樂之益也。發猶感也。今夫新樂進俯退俯姦

聲以濫溺而不止及優侏儻獫狝子女不知父子樂終不

可以語不可以道古此新樂之發也。夫音扶儻音儒優力

姦律之聲滌濫淫泆而遂成言聲之流而無節也。優俳也

侏儻短人。優猴屬俳優跳舞之狀似之。無男女尊卑之辨

言容之狎慢無禮也。此導欲增悲而已。何倫。今君之所問理之可語。而況於道古乎。是今樂之惑也。

者樂也。所好者音也。夫樂者與音相近而不同。音扶。○樂

以理言。好樂則成而上。可以語。可以道古。而自脩以之。好音則成而下矣。知音而不知樂。故所好在音也。古樂以章德。而音和以淡。其悅心在德。新樂無德之可言。而音妖以豔其悅耳在音。故所好在音。則必不好古樂而好今樂也。

文侯曰。敢問何如。子夏對曰。夫古者天地順而四時當。民

有德而五穀昌。疾疢不作而無妖祥。此之謂大當。然後聖

人作為父子君臣。以為紀綱。紀綱既正。天下大定。天下大

定。然後正六律。和五聲。弦歌詩頌。此之謂德音。德音之謂

樂。夫音扶疾丑刃反。○四時當不失其序也。昌盛也。祥如樂。毫有祥之祥。謂災異也。大當言氣化均平也。民有養而後興教。以因民固有之德。而品節之紀。所附綱而分目。而綱則法制之大凡也。禮達分定。政和而後興樂。則聲音皆

德之所發故謂之德音德音之謂樂則新音不可謂樂可知矣樂由天作禮以地制先樂而後禮百化生成之序也禮定而後樂興制作之事盡人達天之道也詩云莫其德音其德克明克明克

類克長克君王此大邦克順克俾俾于文王其德靡悔既

受帝祉施于孫子此之謂也

莫音麥長之丈反王去聲社音耻施音異○詩大雅皇矣

之篇子夏引以證德音之說也俾當從詩作比朱子曰莫莫然清靜也克明能察是非也克類能分善惡也克長教誨不倦也克君賞慶刑威也順慈和徧服也俾上下相親也言王季之德能此六者至於文王而其德尤無遺憾是以既受上帝之福今君之所好者其溺音乎文侯曰敢問而延及於子孫也溺音何從出也子夏對曰鄭音好濫淫志宋音燕女溺志衛音趨數煩志齊音敖辟喬志此四者皆淫於色而害於德是以祭祀弗用也

好去聲趨音促數音速敖去聲辟匹亦反喬音驕○溺者沒而不反之意

對德音而言也。自此而汎於彼曰濫。淫。旁溢而無節也。安此而忘其他曰燕。趨數。狂暴不常也。煩者。志亂而中無主也。教。辟。矜。肆。而音應之。淫。溺。煩。喬。志之失其正也。好。濫。燕。女。志之所嚮。而音入於邪也。曰。祭祀弗用。則非所當好。可見趨數。放。辟。音之入於邪也。曰。祭祀弗用。則非所當好。可見矣。今按詩。無宋風。此所云宋音。或亦師延靡靡之遺歟。鄭音。獨言淫。志。朱子曰。鄭聲之淫。甚於衛。夫詩云。肅雝和鳴。子論爲邦。獨以鄭聲爲戒。舉重而言也。

先祖是聽。夫肅肅敬也。雝雝和也。夫敬以和。何事不行。音夫

扶。○詩。周頌有瞽之篇。因上文祭祀弗用而引此。蓋音之敬和。必本於心。心敬且和。則無淫溺煩喬之失矣。所以端文侯之本也。敬和。則鬼神且爲人君者。謹其所好惡而已聽之。而况他事何所不行哉。

矣。君好之。則臣爲之。上行之。則民從之。詩云。誘民孔易。此

之謂也。好惡易皆去聲。○此乃微言。溺音之不可好也。上

板之篇。誘。詩。然後聖人作爲。鞀鼓。柷。敔。壎。篪。此六者。德音

作。隲。孔。甚也。樂記第十九

之音也。然後鐘磬竽瑟以和之，干戚旄狄以舞之。此所以祭先王之廟也。所以獻酬醕酢也。所以官序貴賤各得其宜也。所以示後世有尊卑長幼之序也。醕音空，楊上八反。而之音，亦以矯文侯之所好而言之也。狄，翟同。醕，尸既卒食以敬和，膺民則孔易矣。本敬和以發之，聲容然後為德音。皆所以抑文侯之好而進之以古樂之正也。但此節上下疑猶有闕文。鐘聲鏗鏘以立號，號以立橫，橫以立武。君子不可考矣。

聽鐘聲則思武臣。

鏗，弘大聲。立者，心之感而有其象也。號，號令，橫，充實嚴詔之意。令嚴氣壯。立武

之道也。此以下又即聽音言之，以廣文侯之志也。

石聲磬。磬以立辨，辨以致死。君

子聽磬聲則思死封疆之臣。

磬，磬二磬字上聲。磬，堅確聲。辨之真則守之確矣。絲

聲哀哀以立廉。廉以立志。君子聽琴瑟之聲。則思志義之

臣。廉。謹飭也。有收斂之意。人心有所側。則其志常肅然也。竹聲濫濫以立會。會以聚

眾。君子聽竽笙簫管之聲。則思畜聚之臣。畜。敕六反。濫。汎。廣意。劉氏曰。

汎。則廣及於眾。而眾必歸之。故立會聚眾。鼓鼙之聲。謹謹

以立動。動以進眾。君子聽鼓鼙之聲。則思將帥之臣。謹。音

去聲。謹。誼。器也。前言武臣。概言之也。此言將帥之臣。專以主將言也。君子之聽音。非聽其

鏗鏘而已也。彼亦有所合之也。鏘。倉庚反。總結上五節。夫君子之於樂。脩身及家。

平均天下。非徒聽其音也。至於聽音。則已淺矣。然君子之

聽音。且必有以合之。而非徒取其悅耳。今文侯好音。其亦

有以合之乎。然使聽音而有合於心。則亦可無好濫音之

失矣。子夏言此。所以深抑文侯而引之於正也。此章論

古樂新樂之異。而好音不可以言樂。鏗鏘不可以言音。皆

上章上下先後之意也。問文侯之問。與齊宣王之好樂同。

然孟子之答宣王則曰今之樂猶古之樂子夏之答文侯則深言古樂今樂之不同何也曰宣王自慚其好之不正故孟子曲而引之巽與之言也文侯問古樂新樂之不同故子夏分別言之法語之言也然能推好樂之心以與民同則必能自克而幾於德音矣能謹其所好惡以於敬和則脩身及家均平天下矣其致一也要以樂言之則此章之論

○賓牟賈侍坐於孔子孔子與之言及樂曰夫武

之備戒之已久何也對曰病不得其眾也

扶坐才臥反夫音賈

名武大武之樂也凡舞皆先鼓以警戒而武獨備戒已久賈言武王伐紂恐未得眾心故備戒之久而後伐商今舞之備戒已久正所以象此也夫武王即位十三年而後伐商詩曰遵養時晦則武之待久而後動可見所謂病不得眾者非真人心之有未服也但武王兢兢之心則唯恐人心天命之未必在我苟受稍有倭心則天命人心之去商者未必不可復輓而武王亦終守臣節矣唯受罔有倭心以至人心暱就周室不期而會孟津者八百國焉然後乃行征誅之事則其樂之備戒已久也宜咏歎之淫液之何哉此賈之所對為有得於武樂之意矣

也對曰恐不逮事也

此及下四節皆孔子問而賈答之也咏歎歌聲之長而淫液又咏歎之長

也賈言武王恐諸侯之後至者不逮戰事故長歌以致其望慕之情也

發揚蹈厲之已蚤何

也對曰及時事也

發揚蹈厲手發揚而足蹈猛厲也凡武舞宜發揚蹈厲而武則發揚蹈厲之已

蚤賈言伐紂之時不可失故已蚤者象及時而舉事也秦誓亦曰時哉不可失蓋發揚蹈厲當在再成滅商時再成

而遂揚厲所謂已蚤也武坐致右憲左何也對曰非武坐也

○憲音軒坐音軒

也致右右膝至地憲左左足軒仰也賈言武舞不當坐其坐非武樂之本然也坐致右憲左蓋在五成而分周公左

召公右時聲淫及商何也對曰非武音也子曰若非武音則何

音也對曰有司失其傳也若非有司失其傳則武王之志

荒矣子曰唯丘之聞諸萇弘亦若吾子之言

句是也

唯上聲○

淫即上文所謂淫液商謂商聲屬金殺伐之聲也蓋當時歌武詩者咏歎淫液多及商聲賈言有司失傳非武音之

本然也。荒如宮亂則荒之荒。凡歌必五聲皆備。商聲非可獨無。此之聲淫及商。則是歌之餘韻多流入於商。故賈言苟非有司失傳。則是武王有嗜殺之志。而君道荒矣。唯應辭。葛弘。周大夫。孔子嘗從而訪樂焉。是也。然其說也。既唯之。又然之。蓋賓牟賈起免席而請曰。夫武之備戒之已久。深與之也。

則既聞命矣。敢問遲之遲而又久何也。子曰。居吾語女。夫

樂者。象成者也。總干而山立。武王之事也。發揚蹈厲。太公

之志也。武亂皆坐。周召之治也。

夫音扶上。遲字上聲。○遲待也。備戒既已久矣。及出

而立於初綴。又久待而不進。是待之遲而又久也。總持也。山立。不動貌。立於初綴時持干而不動。即所謂遲之者也。

所以象武王之從容而不迫也。詩云。惟師尚父。時維鷹揚。掠彼武王。肆伐大商。蓋伐商之志決於太公。故發揚蹈厲

之已蚤者。太公之志也。亂樂之將終也。周召之治。以文止武。其治成於周召也。總干山立二句。正答遲久之問。發揚

四句。因賈前所對有未盡是者。故并言之。以正其失也。

且夫武始而北出。再成而滅。

商三成而南。四成而南國是疆。五成而分。周公左召公右。

六成復綴以崇天子。

夫音扶。○成樂之一終也。北出而北

象滅商也。發揚蹈厲。正在此時。三成至北。綴反而南。面。四成復至第二綴。以象疆理南國。五成而舞者分列左右。以象周召分陝而治。坐致右憲。左正在此時。六成復於初綴。象天下之歸周而崇天子也。武王為天子。非在疆理南國之後。復綴亦非象歸鎬。蓋至是而功成治定。天下翕然。惟一人之聲靈是畏耳。○樂之成數各有不同。若周禮於韶言九變。雲門言六變。咸池言八變。皆其成數之異也。大武六成。其樂章見於周頌。春秋傳以武為大武之首章。賁為大武之三章。桓為大武之六章。餘篇則無可考。詩記則以酌般二篇為皆大武之樂。是凡得五章。竊以五詩及此章之言。協之則周頌武篇。該武功。始終言之。是始而北出。時所歌也。酌篇始言遵養時晦。繼以純熙大介。則是承久立於綴之後。而繼以發揚蹈厲。於再成滅商協矣。是酌蓋大武之次章也。賁篇言大封之事。此章下文言未反下車而封黃帝之後。云云。論語亦曰。周有大賁。是賁即三成而南時所歌也。般篇有隨山喬嶽。允由翕河。敷天之下。哀時之豐已。言可。卷之七。樂記第十九。

對之語與南國是疆之意頗協疑般即大武之四章也。五
成之語獨無可考。桓篇言綏萬邦。屢豐年。正功成治定之
語。其復綴以崇天子。猶可想見矣。夾振之而駟伐盛威於
有。志於古樂者。或亦可以心會歟。中國也。夾振之。二。人夾舞者。而振鐸也。駟與四同。四伐以
日。四伐。四方擊伐。如滅國五十。分夾而進。事蚤濟也。分去
之事。故曰盛威於中國也。亦通。分夾而進。事蚤濟也。分去
分。部分也。分夾而進。振鐸者。夾舞者。之部分而進也。事蚤
濟。言功之速成。所謂會朝清明者。此申言再成滅商時事。
也。久立於綴以待諸侯之至也。申言始而北出時事。待諸
王之事者。此所以。且女獨未聞牧野之語乎。武王克殷。反
遲之遲而又久也。商未及下車。而封黃帝之後於薊。封帝堯之後於祝。封帝
舜之後於陳。下車。而封夏后氏之後於杞。投殷之後於宋。
封王子比干之墓。釋箕子之囚。使之行商容。而復其位。庶

民弛政庶士倍祿

上文皆因武樂而考武王之樂也。反商依

武成則下缺一政字。謂復商之舊政也。舊說反當作及。謂

至於商都也。其曰未及下車而封。下車而封云者。先後之

辭。非必在車上封之也。薊。今順天薊州。視在今山東萊蕪

地。武王初封紂子武庚於股。後武庚畔。誅成王乃封微子

於宋。此云投殷之後。於宋以約略言之耳。行商容而復其

位。使人行訪商容而復其官也。庶人弛政。寬紂之虐政也。

濟河而西。馬散之華山之陽。而弗復乘牛散之桃林之野。

而弗復服車甲。衅而藏之府庫。而弗復用。倒載干戈。包之

以虎皮。將帥之士。使爲諸侯。名之曰建橐。然後天下知武

王之不復用兵也。

華去聲。衅許靳反。建上聲。橐音高。名之

以血塗之也。散軍而郊射。左射。狸首。右射。騶虞。而貫革之

建。鎖。藥。韜也。射息也。裨冕。指笏。而虎賁之士。說劒也。祀乎明堂。而民知

樂記第十九

孝。朝覲。然後諸侯知所以臣。耕藉。然後諸侯知所以敬。五

者。天下之大教也。

左射右射之射。食亦反說音脫。朝音潮。南篇名。歌此二詩以爲射節也。軍射尙貫革。至此而易以

禮射則不尙貫革矣。周禮天子射以騶虞爲節。諸侯射以

經首爲節。與此不合。蓋此乃武王初年事。而周禮則後此

周公所定。不盡同也。祀明堂。宗文王以配上帝也。天子藉

田千畝。諸侯百畝。皆躬耕而庶人助以終畝。敬謂敬於祭祀。食三老五更於大學。天子

袒而割牲。執醬而饋。執爵而醕。冕而總干。所以教諸侯之

弟也。食音嗣。更當作叟。弟去聲。周承播棄黎老。若此則

之後。而特重養老之禮也。說見文王世子篇。周道四達。禮樂交通。則夫武之遲久。不亦宜乎。夫音扶。由武王之

事以觀。則周之文治達於四國。而禮隆樂備矣。是可見武

王非務武也。唯是諸侯嚮就周室。以不得已而爲征誅之

舉。及夫會朝。清明之後。則汲汲於假武脩文。而不復用兵

矣。征誅非武王之得已。則其遲之遲而又久也。不亦宜哉。

自牧野以下皆申明總干而山立武王之事也二句以正
答遲久之問也○此章引孔子之論武樂正所謂可以語
可以道古者亦前章
上下先後之意也○君子曰禮樂不可斯須去身陳氏

曰斯須離一合之
頃也此句一章之冒致樂以治心則易直子諒之心油然而

生矣易直子諒之心生則樂樂則安安則久久則天天則

神天則不言而信神則不怒而威致樂以治心者也易音

音慈諒音良則樂樂則之樂音洛○致推致也實即之而
窮其理非徒習聲容揖遜之末已也○心統性情樂以養人

之情性故致樂所以治心也易平易直不偏也子諒與慈
良同謂慈祥愷惻也油然生貌生自然而生也樂則心與

理融安則身與道一所謂義精仁熟而自和順於道德者
也久久而不息也天者具於身而中和之體備也神者顯

於事而時措之妙行也○不言而人信之效如此再言致樂以
而人畏之服於其神也致樂治心之效如此再言致樂以

治心者言致樂所以治也致禮以治躬則莊敬莊敬則嚴威
心非徒聲容之末已也

禮記章句卷之七樂記第十九
天

禮以固人肌膚之會。筋骸之束。故致禮所以治躬。莊者。外之齊敬。則中之一嚴。積密也。威。宣著也。致禮治躬之效如此。然樂養其中。而未嘗不達於外。禮心中斯須。不和不樂。以制外。亦卽所以養中。其致一也。而鄙詐之心入之矣。外貌斯須不莊不敬。而易慢之心入之矣。樂音洛。易音異。○和樂卽易直子諒也。鄙詐易慢。非心之本然。惟心之本體稍有間斷。則鄙詐易慢之心忽然而至。是若自外入焉。此所謂人心者。形氣之私也。禮樂之不可斯須去身者如此。故樂也者。動於內者也。禮也者。動於外者也。樂極和。禮極順。內和而外順。則民瞻其顏色。而弗與爭也。望其容貌。而民不生易慢焉。故德輝動於內。而民莫不承聽。理發諸外。而民莫不承順。故曰致禮樂之道。舉而措之天下。無難矣。易音異。○樂者。性情之本然。故動於內而至和。禮者。物理之當然。故動於外而至順。致樂於心。則內和。致禮治躬。則外順。內和見於顏色。不言

而信不怒而威弗與爭矣。外順動於容貌。嚴威則民不敢
易慢矣。易直于諒之氣。晬然見面。所謂德輝也。承聽者從
其德也。動容周旋中禮。理發諸外也。承順者順其行也。德
成於君子之身。而觀感之效如此。然則治天下之道。又安
有外於禮樂哉。○此章言君子致禮樂以自脩。其功夫效
驗如此。即前章德成而上。行成而先。以有制於天下之意
也。篇內之言禮樂。凡三本於君子之身。至此章而語益親
切矣。然則古樂雖不可復聞。而致樂治心之方。其亦可深
思而自得也。歟。又首章言樂以和聲。禮以道志。而此章言
樂以治心。禮以治躬者。聲和則可以養心。而禮以範躬。斯
志有定守也。禮樂本非有內外之殊。故下章又合而言之。

○樂也者。動於內者也。禮也

者。動於外者也。故禮主其減。樂主其盈。禮減而進。以進爲

文。樂盈而反。以反爲文。禮減而不進。則銷。樂盈而不反。則

放。故禮有報。而樂有反。禮得其報。則樂。樂得其反。則安。禮

之報。樂之反。其義一也。則樂之樂音洛。○蒙上章而言。禮制外以養中。其事收斂檢束。故減

樂由中而達外其情發揚暢達故盈禮樂之體段然也禮主於減其體嚴矣然必本從容不迫者以進行之進則禮皆出於自然而可觀是以進爲文也樂主於盈其情和矣然必自優游平中者以反抑之反則情皆不失其節而可法是以反爲文也體減而不進則節文似以強人而情意沮索樂盈而不反則聲色止以導欲而禮度放弛故禮非一於減也禮本於自然之理有以濟其減者矣樂非一於盈也樂自有當然之節有以反其盈者矣禮有報樂有反要存乎人之自得焉由進行者而得其自然之趣則於禮無勉強之勢而有循理之樂自反抑者而合乎當然之則則其樂皆天理之安而無人欲之危蓋禮之報即樂樂之反即禮分之則有二體其本則止一源猶陰陽之一氣耳故曰其義一也夫禮樂皆本於天理初未嘗有過不及之偏而或放或銷則行禮樂者之病非禮樂之病也然則先王之作樂豈所以縱欲而制禮豈所以強人哉程子曰禮樂只在進反之間便得性情之正上章言致樂治心致禮治躬是禮樂有內外之殊矣然以禮治躬要必其以和樂之意將之致樂治心要必其以檢束之意持之及夫禮得其報則義理何莫非性情樂得其反則自然和順於道德是內外本非二致矣篇中第三章始言禮樂皆得謂之

有德以後遂禮樂並言至第七章而一合言禮樂之本於天無二道也第九章又以禮樂並言至第十四章而一合言聖人之制作無二事也十五章復禮樂並言至此章而又合之言君子之以禮樂自脩無二致也有報有反則禮樂皆得矣學者知禮樂之爲二而又知禮樂之未始有二則其於禮樂也亦庶幾矣○夫樂者樂也

人情之所不能免也樂必發於聲音形於動靜人之道也

聲音動靜性術之變盡於此矣

夫音扶樂也樂必之樂音洛○性術性情心術也變

也故人不耐無樂樂不耐無形形而不爲道不能無亂先

王恥其亂故制雅頌之聲以道之使其聲足樂而不流使

其文足論而不息使其曲直繁瘠廉肉節奏足以感動人

之善心而已矣不使放心邪氣得接焉是先王立樂之方

也

耐音能無樂樂不足樂之樂皆音洛爲道皆去聲肉而救反奏音族○不爲道言無以引之於正也樂而不反

則亂矣。聲和而有節，故不流。文雅頌之文，論講其義也。不息，不窮也。繁繁聲，瘠猶簡也。廉峭厲，肉圓好也。方道也。言先王因人情以作樂，所以感人於善而不使之流也。是故樂在宗廟之中，君臣上下同聽之，則莫不和敬；在族長鄉里之中，長幼同聽之，則莫不和順；在閨門之內，父子兄弟同聽之，則莫不和親。故樂者，審一以定和，比物以飾節，節奏合以成文，所以合和父子君臣，附親萬民也。是先王立樂之方也。長上聲，比必二反，奏音族。○宗廟主敬，鄉里主順，閨門主親，而皆要於和。先王立樂以道和，有以感人之善心而消其放心邪氣，故用之宗廟鄉里。閨門其效如此。審一以定和，審其風雅頌之體各從一體，以定其音之清濁，高下以成方也。比物以飾節，比之琴瑟，干羽以飾其音節也。審一定和，則和而有節，比物飾節，則節而得其和。二者合而樂成，是以聲足樂而不淫，文足論而不息，而曲直繁簡方圓節奏足以感人之善心而聽之者無不和也。上言先王立樂之方，言作樂之用也。此言先

王立樂之方言定樂之體也。

故聽其雅頌之聲。志意得廣焉。執其干戚。

習其俯仰詘伸。容貌得莊焉。行其綴兆。要其節奏。行列得

正焉。進退得齊焉。故樂者。天地之命。中和之紀。人情之所

不能免也。

行列之行音杭。審一以定和。比物以飾節。故樂之聲容足以廣志意。莊容貌。正行列。齊進退。

此所以道人於正。而可以合和。父子君臣附親萬民也。天地之命。言天所賦於人者。中者。未發之性。和者。中節之情。中和之紀。言性情之範圍也。不能免。猶言不可闕。言有樂以道之。則和。而無以道之。則流也。

夫樂者。先

王之所以飾喜也。軍旅鈇鉞者。先王之所以飾怒也。故先

王之喜怒。皆得其儕焉。喜。則天下和之。怒。則暴亂者畏之。

先王之道。禮樂可謂盛矣。

夫音扶。儕音柴。儕類也。所以飾喜。猶言聖人之所以樂喜足。

以和天下。怒足以威暴亂。所謂得其儕也。言樂而禮可諒。言刑而政可諒矣。此章又言人情不能無樂。而無以道。

禮記章句

卷之七

樂記第十九

之。則不能不亂。故先王作樂以和之。所以終首章慎感之意也。感動人之善心者。樂教之用也。審一定和。比物飾節者。作樂之體也。曰天地之命。中和之紀。即所謂天地之序。天地之和也。曰先王之所以飾喜。則又本君子之身言之。喜則天下和之。怒則天下畏之。則又綜禮樂政刑而言其效。以終首章末節之意。○子贛見師乙

而問焉。曰。賜聞聲歌各有宜也。如賜者宜何歌也。師乙曰。乙賤工也。何足以問所宜。請誦其所聞。而吾子自執焉。寬而靜。柔而正者。宜歌頌。廣大而靜。疏達而信者。宜歌大雅。恭儉而好禮者。宜歌小雅。正直而靜。廉而謙者。宜歌風。肆直而慈愛者。宜歌商。溫良而能斷者。宜歌齊。夫歌者。直己而陳德也。動己而天地應焉。四時和焉。星辰理焉。萬物育焉。贛貢同好去聲。斷丁亂反。夫音扶。○師乙。樂師名乙。詩歌以理情性。故因其性情之所近。與其所偏。而聲歌各

有所宜執猶擇也。寬靜柔正者。或失則疏。頌深遠而縝栗。所以輔其靜正而濟其寬柔也。廣大疏達而靜信者。或失則簡大雅和正而篤敬。所以輔其靜信而濟其廣大疏達也。恭儉而好禮者。或失則拘小雅恭和而寬厚。所以輔其好禮而濟其恭儉也。正直而溫厚。所以輔其靜謙而濟其廉直也。肆亦簡略之意。正而溫厚。所以輔其靜謙而濟其廉直也。肆亦簡略之意。肆直而慈愛者。失則寡斷。故宜歌商。溫良而能斷者。失則無虐簡而無傲意。與此同。直直之也。正己之情也。陳德敷陳其德也。蓋言足以養己之情性而諭之於德也。天地之氣動於己。而天地之心即吾之心。故中和。故商者五帝之遺聲也。商人識之。故謂之商。齊者三代之遺聲也。齊人識之。故謂之齊。明乎商之音者。臨事而屢斷。明乎齊之音者。見利而讓。臨事而屢斷。勇也。見利而讓。義也。有勇有義。非

歌孰能保此。

識音志又如字。此申上文宜歌商歌齊之說。孔氏曰。宋商之後。此商人謂宋人也。雲莊

陳氏曰保安也言安於故歌者上如抗下如隊曲如折止

如橐木倨中矩句中鉤累累乎端如貫珠故歌之為言也

長言之也說之故言之言之不足故長言之長言之不足

故嗟歎之嗟歎之不足故不知手之舞之足之蹈之也音隊

堅中去聲說音悅如抗以漸而高也如隊以漸而平也

曲歌之轉換處如折便易而不憊滯也如橐木訕然之意

倨方曲句圓曲也端兩聲相續前後之端也累累如貫珠

相續不絕也說之感物而動也因上文而言歌之法亦優

宋平中之一端而平氣體養性情之一事也說之故言之

故聲歌各有所宜至手舞足蹈而不自知則性情與之化

矣故歌者所以子贛問樂專言聲詩蓋因上章制雅頌之

聲以道之之言而引此也其實聲詩即樂之體詩言志歌

永言聲依永律和聲樂之所以為樂也故此章畢言詩歌

之宜亦以補篇中之所未詳而其言愈平實矣今之樂經

雖亡而詩則尚存好古者苟有直己陳德之志則由此章

而進求之詩而諷詠以昌之。漸濡以紀之。以平德性而化氣質。其去樂也。應不遠矣。○朱子曰。看樂記。大段形容得樂之氣象。當時許多名物。度數。人人曉得。不須說出。故止說樂之理。如此其妙。今許多度數。都沒了。只有許多樂之意。思是好。只是沒頓放處。又曰。今禮樂之書皆亡。學者但言其義。至於器數。則不復曉。蓋失其本矣。

雜記上第二十

此篇雜記喪禮開及他事。故以雜記名篇。因簡編頗多。故分爲上下二篇。

凡四十章

諸侯行而死於館。則其復如於其國。如於道。則升其乘車

之左轂。以其綏復。

乘去聲。綏而追反。又如字。○館。主國所授館舍也。其復如於其國。其禮如在本國也。其乘車。其所自乘之車。轂。車輪之中。外持輻。內受軸者。其長出輪外者。輻也。綏。旂之旄也。蓋去其旂而用之。或曰。綏。卽挽以上車之索也。亦通。凡復在家。則升屋。東榮。履中脊。北面而復。車南鄉。則左轂。亦在東也。凡五等諸侯之復。人數視其命數。轂。其轎有袂。緇布裳帷。素錦以爲屋而

上狹。則止容一人復。其轎有袂。緇布裳帷。素錦以爲屋而

行。輔干見反。袂尺。詹反。○輔，柩車之上覆，以象宮室者。諸下。尸柩之外，又用緇布為之。袂，輔之四旁下垂者也。裳帷，於輔之又用素錦為星，如小帳以覆尸柩之上也。至於廟門，不

毀牆，遂入適所殯。唯輔為說於廟門外。說吐活反。○廟門

外者，尸則入自門，升自阼階。柩則入自闕，升自西階。此言

不毀牆者，以尸言也。周人殯於西階之上，死於外者，則殯

在兩楹之間。輔以象宮室，將入廟門，則無事於輔矣。故說

之，然唯輔說於門外，則帷裳不說矣。以尸不可無飾故也。

大夫士死於道，則升其乘車之左轂，以其綏復。如追反。又

字如於館死，則其復如於家。館，公館也。大夫以布為輔而行。至

於家而說輔，載以輜車，入自門，至於阼階下而說車，舉自

阼階升。適所殯。說吐活反。輜音遄。○布，輔，白布為輔也。不

輪，無輻，曰輜。蓋圓解大木為輪，故無輻也。凡載尸柩皆以

輜車。於大夫言之，可互見耳。至家而說輔，則惟尸在車，故

輜車於大夫言之，可互見耳。至家而說輔，則惟尸在車，故

曰載以輜車。上文言不毀輜遂入。此言入自門。士輶、輦、席至阼階下。說車舉自阼階升。亦詳略互見也。士輶、輦、席以爲屋。蒲席以爲裳帷。輶亦布輶也。屋不用素錦裳帷。○

凡訃於其君曰君之臣某死。父母妻長子曰君之臣某之某死。長上聲。其君本國之君也。君訃於他國之君曰寡君不祿。敢告

於執事。夫人曰寡小君不祿。太子之喪曰寡君之適子某

死。適丁歷反。諸侯訃於諸侯。不曰薨而曰不祿者。薨者本國尊君之辭。其告於同等。則從謙也。以告執事爲言。不敢階主也。君不以名訃。世子則稱名矣。春秋於諸侯皆書卒書名。以嘗同盟而知其名。且質辭矣。大夫訃

於同國適者曰某不祿。訃於士亦曰某不祿。訃於他國之

君曰君之外臣寡大夫某死。訃於適者曰吾子之外私寡

大夫某不祿。使某實訃於士亦曰吾子之外私寡大夫某

不祿使某實

適音敵。適者謂同列大夫也。大夫無外交則不計於他國。其或有嘗交政於其國者則

亦計之。其辭如此。實謂以實告也。

士計於同國大夫曰某死計於士亦曰

某死計於他國之君曰君之外臣某死計於大夫曰吾子

之外私某死計於士亦曰吾子之外私某死。○大夫次於

公館以終喪士練而歸士次於公館大夫居廬士居堊室

堊音惡。公館公朝治事之館廬倚廬於東門之外堊室亦於東門外屋下壘塹以爲室也。蓋臣爲君喪始死大夫

居廬士居堊室既葬大夫仍居廬士則次於公館以治事故也。既練則大夫次於公館而士可歸矣。大夫則待終喪

而後歸也。舊說殊欠明白。○大夫爲其父母兄弟之未爲大夫者之喪

服如士服

大夫喪制今無可考。然孟子曰齊疏之服自天子達於庶人則喪服不應有貴賤之異。意者制

度尺寸之間或有小別歟。大夫爲其父母之未爲大夫者之喪服如士服不敢以己之貴加於親也。大夫降期兄弟

二字疑衍。士為其父母兄弟之為大夫者之喪服。如士服。大夫

之適子。服大夫之服。適丁歷反。適子為後者。服大夫喪服。喻紹家之志也。庶子未為大夫。則

自服。大夫之庶子為大夫。則為其父母服大夫服。其位與

未為大夫者齒。庶子為大夫。自可服大夫喪服。然其士之位則與眾子齒。不敢並適。重宗也。其士之

子為大夫。則其父母弗能主也。使其子主之。無子。則為之

置後。為之為去聲。此言父為士。子為大夫。而子死。以士服服大夫。則無以接大夫之賓。服大夫之服。則又

非其服。而其適子可服大夫服。故使其子主之。此亦權宜之道也。但弗能主之言。則亦已野矣。○大夫卜

宅與葬日。有司麻衣布衰布帶。因喪履。緇布冠。不黻。占者

皮弁。衰七雷反。卜宅。卜葬地也。有司。治卜事者。麻衣。白布深衣而加衰及布帶。即麻衰也。因。仍也。仍。繩履也。

卜以交神。故用半吉之服。占者。卜人。如筮。則史。練冠長衣也。交神之主。故皮弁服。純吉之服也。如筮。則史練冠長衣

豐己章司參之七雜記上第二十

以筮占者朝服史蓋撰著者練冠縞冠長衣深衣而緣以素者筮撰著者占者筮人審卦象者也朝

服卑於皮弁古人重卜也然朝服亦吉服練冠長衣又吉於麻衣其餘有司蓋亦麻衰也○大夫之喪

既薦馬薦馬者哭踊出乃包奠而讀書既夕禮薦馬有三

遷祖之奠奠訖薦馬日側而祖奠又薦馬明日遣奠時則又薦馬薦馬者進馬而告以將行也此云薦馬以遣奠時

言柩車將行故孝子哭踊包奠者取牲之下體包而置於遣車則遂出矣是包奠乃出之節也於是讀贈奠賻贈之

人名與其物於柩東詳見儀禮及○大夫之喪大宗人相

檀弓此以明大夫之禮與士同也○大夫之喪大宗人相

小宗人命龜卜人作龜相去聲○此亦言卜日卜宅之事

士。大宗人上士相贊禮也小宗人中士命龜告神以所卜之事也作龜鑽灼以卜也○復諸侯以襲

衣冕服爵弁服襲衣天子所特襲賜之命服也冕服上公

以下三爵弁士之祭服即諸侯免喪夫人稅衣揄狄狄稅

始入朝受命之服也故服兼用之

素沙

稅音彖。揄音搖。夫人服自揄狄以下有闕狄。鞠衣

沙言白狄至稅。內子以鞠衣裏衣。素沙下大夫以禮衣。其

皆以素沙裏之。餘如士。禮音戰。是節舊在復上。鄭氏云在素沙下。今從之。

衣即受命。裏賜之衣也。下大夫之妻服自展衣以下。士妻

稅衣。其餘如士。言內子及下大夫妻復亦皆兼用稅衣也。

復西上。復之人數如命數。北面而復。則西左。左陽也。○大

夫不揄絞屬於池下。揄音搖。絞音交。屬音燭。○絞絞同。揄

以屬之池下也。池織竹爲籠。以承柳車覆甲之下。而衣以

青布。象屋之重雷者也。此諸侯喪車之飾。大夫則有池而

無揄絞。○大夫附於士。士不附於大夫。附於大夫之昆弟

無昆弟。則從其昭穆。雖王父母在亦然。附。附同。雖王父母

附於祖。今孫死而祖尙存。則婦附於其夫之所附之妃。無

她則亦從其昭穆之妃。妾附於妻祖姑。無妾祖姑。則亦從

其昭穆之妾。

其妃音配。○廟有無妃者。以

男子附於王父。則

配。女子附於王母。則不配。

男子附於祖。其祝辭曰。以某妃配。

某氏。是并祭王母。婦附於祖姑。則只祭祖姑。不及祖舅。有事於尊者。皆并及卑。有事於卑。不敢援尊。抑男女之別也。

女子未嫁者。及嫁未廟見而死者。歸葬女氏之。公子附於

公子。

說見喪

○君薨。天子號稱子。待猶君也。

君薨。世子即位。未踰年。稱

子。踰年而後稱君。春秋僖公九年。宋襄與葵丘之會。經書宋子。是也。待猶君。邦交臨臣民。皆如君禮也。

○有

三年之練冠。則以大功之麻易之。唯杖屨不易。

三年之喪。期而練冠。

功衰。功衰者。布與大功之布同。故既練而忽。遭大功之喪。則唯以大功之麻經易其練冠而已。大功無杖。而三年之

練與大功初喪同。是繩屨。故不易也。有父母之喪。尚功衰。而附兄弟之殤。則

練冠附。句於殤稱陽童某甫。不名神也。兄弟之殤亦謂大

麻小功者。蓋支子不祭。而殤與無後者從祖祔食。故已為

繼高祖以下之宗。則凡功總之殤皆已得為主而祔之祖

也。三年之喪既練而祔。功總之殤其練冠似輕於小功之

經。而功衰已重於小功之衰。是以練冠而祔可也。庶子之

殤祭於室中之白。故視稱陽童。○凡異居始聞兄弟之喪

稱為某甫。神之而不以名呼也。唯以哭對可也。其始麻散帶經。對謂對來計者。唯以哭對

上其帶經之麻。始皆散垂。至三未服麻而奔喪。及主人之

日而後絞之。小功以下不散。未服麻而奔喪。及主人之

未成經也。疏者與主人皆成之。親者終其麻帶經之日數

及主人之未成經。途近而至在小斂前也。至在小斂前。小

功以下原不散麻。唯待主人成服。則成服已耳。大功以上

則必終其散麻之日數。如至在小斂之○主妾之喪。則自

日。則後主人成服一日而後絞之也。附。至於練祥。皆使其子主之。其殯祭不於正室。

女君死而妻攝女君

此妾死則君主其喪其祔祭亦君自主至於棟祥之祭則使其子主之殯祭皆不於正室之中以雖嘗攝女君猶必降於正嫡也若未攝女君之妾則君不主其喪○君不撫僕妾以哭也○女君

死則妾爲女君之黨服攝女君則不爲先女君之黨服去爲

聲○妾服女君之黨此徒從也女君雖已死亦猶服之異於他徒從者不敢死女君也嘗攝女君則不服異之於眾妾也○聞兄弟之喪大功以上見喪者之鄉而哭奔喪篇云

而哭大功望門而哭與此少異記者傳聞異辭不盡合也○適兄弟之送葬者弗及遇

主人於道則遂之於墓必親至墓所也○凡主兄弟之喪雖疏亦

虞之兄弟死無主後而已主之雖疏亦必爲○凡喪服未

畢有弔者則爲位而哭拜踊之賓也言凡者五服悉然○

大夫之哭大夫弁經大夫與殯亦弁經也○大夫弔於大夫

弁經錫衰與殯則主人未成服。大夫有私喪之葛則於其

兄弟之輕喪則弁經。喪私喪已親者之喪卒哭易麻以葛輕

夫降期於細麻無服故止用弔。○為長子杖則其子不以

杖即位。為去聲。長上聲。○其子長子為妻父母在不杖不

稽顙。為去聲。稽上聲。下同。○舅主冢婦之喪故其夫不杖

之順文耳。非冢婦則舅母在不稽顙。稽顙者其贈也。拜。雲

陳氏曰。贈謂人以物來贈已助喪事也。母在雖不稽顙

唯拜此贈物之人則可以稽顙也。愚按此節文義難曉。○

違諸侯之大夫不反服。違大夫之諸侯不反服。違去之往

舊主君反服也。去諸侯而仕於大夫之家不為舊君反服

尊卑懸異也。去大夫而仕於諸侯不為舊主反服恐辱君

也。新君與舊君敵則為舊君反服矣。

○喪冠條屬以別吉凶。三年之練冠亦

條屬右縫小功以下左

屬音燭別必列反。屬猶著也。古

布武皆即武之餘以下垂為纓。故曰條屬大功以上喪冠

右縫其冠覆之。輒子嚮右。三年之練冠亦條屬。右縫大祥

編冠而後左縫小功以下。總冠纁纓。布用熟而加灰燥治

則左縫服輕與吉冠近也。總冠纁纓。布用熟而加灰燥治

是纁也。大功以上散帶。乃較之。小功以下初喪要經散麻。成服朝服

十五升。去其半而總加灰。錫也。朝音潮。去上聲。錫去聲。○

服齊衰四升。正服齊衰五升。義服齊衰六升。降服大功七

升。正服大功八升。義服大功九升。降服大功十升。正服小

功十一升。義服小功十二升。纁皆生麻不洽。總麻用七升

半之布。是朝服而去其半。而熟治其纁。其細如絲。故謂之

總。儀禮有事其纁無事其布。曰總。是也。○諸侯相襚以後

再以此布加灰燥之。則曰錫衰。帛服也。○諸侯相襚以後

路與冕服。先路與襁衣。不以襚。後路副車也。冕服次冕也。

之正。襚人。以彼不用之為正也。草廬吳氏曰。○遣車視牢

冕服以襚。後路以贈。但言襚而包贈其中。○遣車視牢

具疏布。綦四面有章。置于四隅。

遺章皆去聲。遺車視牛具如天子太牢。包九個。遺

車九乘。諸侯包七個。則七乘。大夫包五個。則五乘。天子之士少牢。包三個。則三乘也。遺車之上。以粗布爲綦。四旁皆

有帷幃。葬則以置柳內之。載糗。有子曰。非禮也。喪奠。脯醢

而已。糗。糧也。遺奠。無黍稷。故有子以載。○祭稱孝子孝孫。

喪稱哀子哀孫。端衰喪車。皆無等。

卒哭以後爲吉祭。稱孝子孝孫。虞以前爲喪祭。

稱哀子哀孫。哀服之袂。與玄端同二尺二寸。故曰端衰。喪車。惡車。此數者。皆無貴賤之等也。

○大白冠。

緇布之冠。皆不黹。委武。玄縞而后黹。

大白冠。國有凶喪而服之者。緇布冠。始冠

之冠。二者皆不黹。委武。冠圈也。秦人謂之委。齊人謂之武。喪冠不黹。練冠猶條屬。至大祥而縞冠。禫而玄冠。則纓武

異材。而後以黹飾之。○大夫冕而祭於公。弁而祭於己。士弁而祭於

公。冠而祭於己。士弁而親迎。然則士弁而祭於己可也。去迎

聲。諸侯神冕以朝。玄冕以祭。大夫玄冕以助祭於君。則皮弁而自祭其祖。士爵弁而助祭於君。則玄端而自祭其祖。公、私之辨也。然少牢禮祭用玄冠。則是大夫自祭亦朝服耳。此言弁非也。士昏禮親迎服皮弁。此攝盛耳。此言士弁而親迎亦可以。○暢白以栴。杵以梧。枳以桑。長三尺。或弁而祭。則益非也。

曰五尺。畢以桑。長三尺。刊其柄與末。栴音朱。枳音比。暢音朱。畢音比。桑音桑。長音長。三尺音三尺。或音或。

柏也。杵所以擣者。梧。椅也。枳所以載牲體自鑊而升之鼎。自鼎而升之俎者。畢所以助枳者也。凡吉事用棘。枳喪事用桑。枳其柄與末皆刊削之。○率帶。諸侯大夫皆五采。士二采。率音律。帶音帶。五采音五采。士二采音士二采。

同。山陰陸氏曰。大夫以上。襲尸其帶皆以五采絲率之。士則率以朱綠也。○醴者。稻醴也。饗。鬴

簋。衡。實見間而后折入。醴音武。衡音杭。見音諫。○送死之

簋盛黍稷。衡所以舉饗鬴簋者。見棺衣也。折形如牀而無足。以木為之。橫者五。直者三。空畢而加之。壙上以承杭席者也。言饗鬴簋皆實於見。○重。既虞而埋之。重於廟門之外。槨之內。而後乃加折也。

外東餘。○凡婦人從其夫之爵位。婦人從夫。喪禮亦然。○小斂大斂。

啓皆辨拜。敘去聲。辨音偏。凡小斂大斂啓殯賓至不輟。

輟事出拜。大夫弔於。○朝夕哭不帷。無柩者不帷。未葬以。

士當事而哭。哭已垂之。既葬而耐之。○君若載而后弔之。則

主人東面而拜。門右北面而踊出。待反而後奠。柩既載車。

君來弔。君即弔。位於柩東。主人柩西東面拜。拜畢適廟門

內西偏北面哭踊。踊畢先出門外。以待拜送。不敢以君之

久留也。君命之反還喪所。即設奠以告死者。榮君之

來弔也。或曰此謂在廟載柩車之時。奠謂反設祖奠。○子

羔之襲也。繭衣裳與稅衣纁納爲一。素端一。皮弁一。爵弁

一。玄冕一。曾子曰不襲婦服。稅音彖。袖而占反。○稅衣纁。

也。素端端服而以素爲之者。凡襲斂之服。衣裳合爲一稱。單複合爲一稱。繭衣及稅衣皆衣裳相連。故合單複爲一

稱也。素端以下。皆白卑而尊。但不用玄端而用素端。亦不可曉。稅衣纁紳。婦人之服。而用之以襲故。曾子譏之。○

爲君使而死。公館復。私館不復。公館者。公宮與公所爲也。

私館者。自卿大夫以下之家也。說見曾子問篇。○公七踊。大夫五

踊。婦人居間。士三踊。婦人皆居間。君五日而殯。朝踊者四。襲及小斂。大斂三。凡七

次踊。大夫三日而殯。朝踊者再。襲及小斂。大斂三。凡五次。踊。士踰日而殯。朝踊一。小斂大斂二。凡三次。踊。踊以九跳

爲節。三跳爲一踊。主人一踊。婦人繼之。婦人一踊。賓繼之。主人又繼之。如是者三。而成踊。所謂婦人居中也。此禮之

常節。至於始死。擗踊及舉尸動柩。擗踊無算。則無男女之序。不在七踊五踊三踊之數。○公襲。卷衣

一。玄端一。朝服一。素積一。纁裳一。爵弁二。玄冕一。襲衣一。

朱緣帶。申加大帶於上。卷音衰。朝音潮。以上服親身。蓋

尊也。玄端。士服。蓋爲世子時之服也。素積。皮弁也。纁裳。諸侯齊服之。玄端。故尊於皮弁也。爵弁二者。一爲羣小祀之

服一爲始受命時之服也。朱綠帶。革帶而飾以朱綠。以結束襲衣。申重也。又加大帶於上。卽前章所謂率帶五采者也。上公得以卷親身。侯伯子男則蓋各以其裨冕親身也。○小斂環經。公大夫士一也。孔氏曰。環經。一股麻經也。親始死。孝子去冠。至小斂。不可無飾。士素委貌。大夫以上素弁。而貴賤悉得加於環經。故云公大夫。○公視大斂。公升。商祝鋪席。乃斂。君臨臣喪而士皆一也。○公視大斂。公升。商祝鋪席。乃斂。君臨臣喪而禮之重者也。主人雖先已鋪席布絞於諸物。而聞君將至。必更徹去之。待君至升堂。商祝乃始鋪斂席。行事蓋榮君之至也。○魯人之贈也。三玄。二纁。廣尺。長終幅。葬者旣窆而故也。中玄六。纁四。制幣幅廣二尺二寸。束五兩。凡十卷。卷長一丈八尺。今魯人之贈。只半其數。而狹小如此。記者記之。言非禮也。○弔者卽位於門西。東面。其介在其東南。北面西上。西於門。主孤西面。相者受命曰。孤某使某請事。客曰。寡君使某如何不淑。相者入告。出曰。孤某須矣。弔者入。主人升。

堂西面弔者升自西階東面致命曰寡君聞君之喪寡君

使某如何不淑子拜稽顙弔者降反位

相去聲稽上聲下同○此列國遣使

相弔之禮弔者來使也門西主國大門之西西上者介非

一人其上介在西近正使也西於門不敢當門之中也主

孤西面阼階下西面也相者主孤之擯也受命受主孤之

命也如何不淑言如何而罹此不善也須待也凶禮不出

迎故曰須主升自阼階客自西階致命而降出反門外之

位雲莊陳氏曰曲禮升降不由阼階謂平時無弔賓時耳

舍者執璧將命曰寡君使某舍相者入告出曰孤某須矣

舍者入升堂致命子拜稽顙舍者坐委于殯東南有葦席

既葬蒲席降出反位宰夫朝服卽喪屨升自西階西面坐

取璧降自西階以東

舍去聲○此節致舍之禮舍者弔賓之介璧卽含玉也坐委跪而置之也

葦席蒲席所設以承含玉者諸侯邦交未必盡能及舍但致禮如此遠者後至則或在已葬之後也凡初遭喪則主

人不親受。使大夫受於殯宮。此遭喪已久。故孤親受之。宰
冢宰。夫字衍文。執玉不麻。故朝服。以在喪。故仍喪屨。以東
以藏。襚者曰。寡君使某襚。相者入告。出曰。孤某須矣。襚者
執冕服。左執領。右執要。入。升堂致命。曰。寡君使某襚。子拜
稽顙。委衣于殯東。襚者降。受爵弁服於門內。蠶將命。子拜
稽顙如初。受皮弁服於中庭。自西階受朝服。自堂受玄端
將命。子拜稽顙皆如初。襚者降。出。反位。宰夫五人。舉以東
降自西階。其舉亦西面。要平聲。朝音潮。此節致襚之禮。委於殯東。卽委舍玉之席上也。客
以冕服將命畢。客使將爵弁服入。客降至門內。蠶受之以
升堂將命。客使又將皮弁服入。客降至中庭受之。朝服則
自西階受之。玄端則自堂受之。皆客使將入。而客受之以
將命於西階上也。宰夫。冢宰之屬。五人各舉一服以東。其
降其舉。皆如太
宰舉璧之法也。上介贈。執圭將命。曰。寡君使某贈。相者入

告反命曰孤須矣陳乘黃大路于中庭北轉執圭將命客

使自下由路西子拜稽顙坐委于殯東南隅宰舉以東乘去

聲陸氏曰孤須矣從此盡篇末皆無某字有者非○此節致贈之禮此言上介則前舍者為末介禭者為承介也贈

獨執圭將命以車馬不上於堂也北轉車轅北嚮也執圭將命上介執圭上堂致命也客使上介所役使之自牽

也上下謂馬也由路西陳乘於大路之西也坐委于殯東南隅上介跪置圭於殯東南席上也雲莊陳氏曰親禮車在

西統於賓也既夕禮車以西為上者為死者而設統於主人故車之位也此贈禮車馬為助主人送葬而設統於主人故車

在東贈者出反位于門外之下今按宜在此凡將命鄉殯將

命子拜稽顙西面而坐委之宰舉璧與圭宰夫舉襚升自

西階西面坐取之降自西階鄉士聲○總申含襚贈之事鄉殯立於殯西南而面東北

以將命也及子拜稽顙畢客乃稍進至殯東南而西面坐委圭璧襚衣於席上其璧與圭則宰舉之襚衣則宰夫舉

之皆升自西階而西面。上客臨曰。寡君有宗廟之事。不得

承事。使一介老某相執綽。相者反命曰。孤須矣。臨者入門

右。介者皆從之。立於其左。東上。宗人納賓。升受命于君。降

曰。孤敢辭吾子之辱。請吾子之復位。客對曰。寡君命某毋

敢視賓客。敢辭。宗人反命曰。孤敢固辭吾子之辱。請吾子

之復位。客對曰。寡君命某毋敢視賓客。敢固辭。宗人反命

曰。孤敢固辭吾子之辱。請吾子之復位。客對曰。寡君命使

臣某毋敢視賓客。是以敢固辭。固辭不獲命。敢不敬從。客

立于門西。介立于其左。東上。孤降自阼階。拜之。升。哭。與客

拾踊。三客出。送于門外。拜稽顙。臨如字。又去聲。使去聲。拾

其効反。上客卽弔者。正

使也。卹生者曰弔。哭死者曰臨。老上客自稱相。助也。執綵言俟送葬也。客入自闕西。入門而左。今以君命臨。乃入門而右者。謙也。介者。卽舍綵。賄者。東上。上介近正使也。宗人。宗伯主禮者。將以禮納賓。而先升堂。以受命於孤也。請客復門左之位。禮之正也。三辭而後復客位。禮之節也。客既復位。孤乃降拜之。客不答拜。喪禮然也。主客皆升堂。哭拾踊三者三。拾送也。相繼迭踊三也。喪禮送客不其國有君出。門此以國賓。故送於門外。拜稽顙。賓去不顧。其國有君喪不敢受弔。因上文而言。若卿大夫有私喪。而值國有君也。石梁王氏曰。此一段。外宗房中南面。小臣鋪席。商頗詳。可補諸侯喪禮之闕。○祝鋪絞紵衾。士盥于盤北。舉遷尸于斂上。卒斂。宰告子馮之踊。夫人東面坐。馮之興踊。此喪大記君大斂章文。錯簡在此。○士喪有與天子同者三。其終夜燎。及乘人專道而行。終夜燎。遷柩旦也。乘人。使人執紼也。專道。柩行於道。人皆避之。此三者貴賤所同也。

雜記下第二十一 凡六十
八章

有父之喪。如未沒喪而母死。其除父之喪也。服其除服。卒

事。反喪服。

沒終也。如父喪卒哭後遭母喪。及小祥祭。必易服。練服。卒祭而後反服。母未練之服。大祥亦然。

若小祥後。遭母喪。則及父大祥。亦服。雖諸父昆弟之喪。如

大祥之服。卒祭而反服。喪母之服也。當父母之喪。其除諸父昆弟之喪也。皆服其除喪之服。卒

事。反喪服。

諸父昆弟之服。輕重雖殊。而除喪之禮不廢。不以己喪廢親親之誼也。唯遭君喪。則不敢私服。

如三年之喪。則既顙。其練祥皆行。

顙。古迴反。顙。罔麻也。卒哭變葛。無葛之鄉。以

顙代之。父先母後。則皆三年。母先父後。母喪本服亦三年。

父沒而後。祖沒。適孫承後。亦三年。前後皆三年之喪。如變

葛之後。則或練或祥。皆除服而祭。卒事。反喪服。若未變葛

以前。則雖直前喪。練祥之期。亦不得為前喪除服行祭也。

言此。則未變葛以前。亦不

為諸父昆弟除服可知。○王父死。未練祥。而孫又死。猶

是附於王父也。

此時祖之主尚未入廟。蓋卽殯宮之室而耐之。

○有殯聞外喪哭

之他室入奠卒奠出改服卽位如始卽位之禮。

內喪未葬而聞外喪

則哭之他室。明非哭殯也。朝奠於殯則服本喪服而入奠卒奠而出改服新喪未成服之服。卽昨日他室所哭之位。

如昨日始聞喪時卽位之禮也。

○大夫士將與祭於公既視濯而父母死

則猶是與祭也。次於異宮既祭釋服出公門外哭而歸其

他如奔喪之禮如未視濯則使人告告者反而后哭。

與去聲。

視濯在祭前一日既與於視濯則次日必與祭重君祭也。次於異宮不敢安也。終祭出廟門外而后哭踊吉凶不敢

相紊也。不得及於始死故如奔喪之禮也。未與視濯則可不與祭愛親之情切也。然必使人告於君得君命而後哭。

以既受宿不敢自專也。

如諸父昆弟姑姊妹之喪則既宿則與祭卒

事出公門釋服而后歸其他如奔喪之禮如同宮則次於

異宮

宿祭前三日而齊宿也。期服以下。情每輕於父母。故奔喪可稍緩如此。同宮者之喪。則亦次於異宮。情稍

重也。

○曾子問曰。卿大夫將爲尸於公。受宿矣。而有齊衰內

喪。則如之何。孔子曰。出舍乎公宮。以待事禮也。○孔子曰。

尸弁冕而出。卿大夫士皆下之。尸必式。必有前驅。

此二章俱是曾

子問篇。

○父母之喪。將祭而昆弟死。旣殯而祭。如同宮。則雖

臣妾葬而後祭。

祭謂練祥之祭。將祭而昆弟死。則待昆弟之喪旣殯而後祭。此以言異宮者也。若同

宮。則雖臣妾死。亦必待其旣葬而後祭。哀死之情重。而緩於吉祭也。

祭。主人之升降散等。執

事者亦散等。雖虞附亦然。

等。階級也。吉事拾級聚足。喪事栗階而升。練祥吉祭。宜拾級而

皆散等者。以有昆弟之喪故也。昆弟之喪。異宮待殯而祭。同宮待葬而後祭。然雖昆弟之喪已葬而虞祔矣。而已於

練祥之祭。猶必散等。餘哀未遠也。

自諸侯達諸士。小祥之祭。主人之酢也。

嗜之。眾賓兄弟則皆啐之。大祥主人啐之。眾賓兄弟皆飲

之可也。嗜才細反。啐七內反。凡侍祭喪者告賓祭薦而

不食。此亦謂練祥之祭。侍祭喪者相練祥祭禮之人也。薦

謂肺醢主人獻賓則有薦相者告賓以祭肺醢而賓

不食之也。若虞祔則無獻酢之禮。○子貢問喪。子曰。敬為上。哀次之。瘠為

下。顏色稱其情。戚容稱其服。稱去聲。謂盡禮敬以事親。哀以自致。

故其先後如此。不徒毀瘠之為尚也。容貌顏色內稱其情。

外稱其服。內外一也。稱則有以制中。而無過情之失矣。子

貢之居喪。未有所見。然觀其於孔子心喪三年之後。又反

築室於場。獨居三年。然後歸。則或多過於情者。故夫子告

之如請問兄弟之喪。子曰。兄弟之喪。則存乎書策矣。亦欲

禮而○君子不奪人之喪。亦不可奪喪也。

孔氏曰。不奪人喪。恕也。不可奪

喪。孝也。○孔子曰。少連大連善居喪。三日不怠。三月不解。期

悲哀三年憂東夷之子也

少去聲解音懈期音芬○少連大連二人名丹崖陳氏曰不怠

如水漿不人口之類不解如哀至則哭之類悲哀如朝夕哭之類憂謂憂感憔悴二子居喪如此非惟進於中國而

且善於禮矣故孔子稱之愚謂○三年之喪言而不語對

而不問廬聖室之中不與人坐焉在聖室之中非時見乎

母也不入門見音現○自言曰言論述曰語斬衰居廬齊

入中門愛母之情不可廢也非以時見疏衰皆居聖室不

平母則不入中門喪禮嚴內外之別也疏衰皆居聖室不

廬廬嚴者也不居廬以惟斬衰居廬其禮尤嚴重也○妻

視叔父母姑姊妹視兄弟長中下殤視成人

妻服杖期諸

妻服重矣然於妻之情易備宜俯而裁之視諸母可也姑

姊妹已嫁降大功然本服與兄弟同是期也故其情宜引

之如一殤服迭降然本親重也故其情當親喪外除兄弟

視成人之喪凡降服者情皆當視其本服

豐己音司

卷之七 雜記下第二十一

是

之喪內除

鄭氏曰外除者日月已竟而哀未忘內除者日月未竟而哀已殺

視君之母與

君之妻比之兄弟發諸顏色者亦不飲食也

臣爲小君之喪其情輕矣

雖引而比之兄弟然惟發諸顏色者如酒體之類則亦不敢飲食其餘或可自適也

○免喪之外行

於道路見似目瞿聞名心瞿弔死而問疾顏色戚容必有

以異於人也如此而后可以服三年之喪其餘則直道而

行之是也

霍音句○此皆哀慕未忘之意

○祥主人之除

也於夕爲期朝服祥因其故服

練祥之節皆於祭前一日易服以告祭期明日祭時

即因其告期之服以祭大祥而朝服縞冠吉之漸也

子游曰旣祥雖不當縞者必縞

然後反服

大祥縞冠而祭旣祭則素縞麻衣以居至禫而反吉人子或有他故未獲與大祥之祭者則踰

大祥之期雖不當縞矣然亦必先服縞素麻衣而後反吉服也

○當袒大夫至雖當踊絕

踊而拜之反改成踊乃襲

士喪禮小斂畢袒俛尸於堂下

東序襲袒加絰復位成踊若於袒而踊之時大夫來弔則止其踊而拜之待大夫之反乃更復成踊而襲尊大夫也

於士既事成踊襲而后拜之不改成踊

既事畢事也士於已同等故殺於大

也○上大夫之虞也少牢卒哭成事附皆大牢下大夫之

虞也牲卒哭成事附皆少牢

少去聲

○祝稱卜葬虞子孫

曰哀夫曰乃兄弟曰某卜葬其兄

句

弟曰伯子某

稱舉號也葬日

虞故并言卜葬虞子號哀子孫承重則曰哀孫乃助語解言乃夫也弟卜葬其兄則曰某卜葬兄伯子某若兄卜葬

其弟亦曰某卜葬弟某也

○古者貴賤皆杖叔孫武叔朝見輪人以其

杖闕轂而輶輪者於是有爵而后杖也

朝音潮輶胡罪反輪人車工闕穿

輶迥也以其杖穿轂中而轉其輪以戲也此言庶人廢禮之由然檀弓曰公之喪諸達官之長杖則賤者固不杖也

記者各述 ○鑿巾以飯。公羊賈為之也。飯上聲。○鑿巾以

所聞耳。鑿穿當口處以受舍也。大夫喪使賓舍恐尸形為賓所惡

故鑿巾以飯。士喪則子自舍子不敢惡其親無鑿巾以飯

之事公羊賈魯士而鑿巾以飯是 ○冒者何也所以揜形

子而惡其親竊禮之不中者也也。自襲以至小斂不設冒則形是以襲而後設冒也。冒質

也。上曰質下曰殺以韜尸者質以緇殺以輕皆縫合一頭又

縫合一邊餘一邊不縫而綴三組以結之形猶見也。浴尸

而襲若不設冒則恐形見為人所畏惡是以襲而設冒也。後字衍文。○或問於曾子曰夫既

遣而包其餘猶既食其裏其餘與君子既食則裏其餘乎

曾子曰吾子不見大饗乎。夫大饗既饗卷三牲之俎歸于

賓館。父母而賓客之。所以為哀也。子不見大饗乎。夫音扶

與平聲。卷上聲。○遣謂遣奠。包其餘遣車所包牲體也。遣

而包其餘猶既食而裏其餘。或人疑君子之食於人豈必

自裏其餘以歸故曾子舉大饗之禮以明之蓋君子之食
於人非必貪其餘而裏之而主人之敬賓則必卷其餘以
致之死者之於奠也非必見其饗之而又欲包之而孝子
之送親也則有如親之遠行不反而必包之遺車以從之
事死如事生孝子之心所不能自已也且以生平之所瞻
依者而今顧往而不反舍是無所致其養矣於是而以遺
車致之是父母而猶夫賓客也父母而賓客之孝子○非
之哀爲何如哉重言子不見大饗乎所以深曉之也

爲人喪

句

問與賜與三年之喪以其喪拜非三年之喪以

吉拜

爲去聲與如字○問者平交之間遺與及也賜與上

所問遺賜與則凡有喪者皆必以喪拜以彼之問賜本爲
卹吾之喪也若非爲人之喪之故而問遺賜與則惟三年
之喪乃以喪拜父母之喪不敢有他志也非三年之喪則
以吉拜以彼之問賜本非爲喪故則亦不以喪拜矣禮之
稱三年之喪如或遺之酒肉則受之必三辭主人衰絰而
受之如君命則不敢辭受而薦之喪者不遺人人遺之雖

酒肉受也。從父昆弟以下。既卒哭。遺人可也。遺于位反衰音推。石梁

王氏曰。居喪有酒肉之遺。必疾者也。○縣子曰。三年之喪。如斬。期之喪。如剡。

剡。削也。言哀痛之淺深也。○三年之喪。雖功衰不弔。自諸侯達諸士。如

有服而將往哭之。則服其服而往。既練而功衰。服其服而往。服為新死者之服。而

往哭也。期之喪。十一月而練。十三月而祥。十五月而禫。練則

弔。期之至而禫。舊在如剡下。鄭氏云。在練則弔上。今從之。此杖期之喪之節也。鄭氏曰。凡齊衰十一月。皆可以

出。既葬大功。弔哭而退。不聽事焉。既葬大功。言有大功之喪。而既葬也。不聽事。不

與其襲斂饋奠之事也。期之喪未葬。弔於鄉人。哭而退。不

聽事焉。功衰弔。待事。不執事。雲莊陳氏曰。喪服傳。姑姊妹適人無主者。姪與兄弟為之

齊衰。此言期之喪。正謂此也。雖未葬。亦可出弔。但不聽事。此喪既葬。受以功衰。弔於人。可以待主人之事。但不親執

其事耳。愚按姑姊妹已嫁降大功無主復本服期。其情重矣。奈何反下於大功。可未葬而弔乎。此記文必有錯簡。姑備陳說。小功總執事。不與於禮。謂饋奠之屬。相趨也。

出宮而退。相揖也。哀次而退。相問也。既封而退。相見也。反

哭而退。朋友虞附而退。封音窆。相趨者。遇而趨過之。熱

相揖。則與有交矣。哀次。孝子於大門外之次。攀柩悲號也。問。饋遺往來也。封。下棺也。相見。則嘗執贊與定交矣。朋友。則嘗與同學業者也。此言弔於葬。弔非從主人也。四十者。者。交誼有厚薄。而去留有遲速也。

執紼。鄉人五十者從。反哭。四十者待盈坎。言送葬者。非徒

將以助役也。故年四十以下者。皆當執紼。及既窆。則鄉人之中有五十者。從主人反哭。其四十者。必待為盈坎而後

也。○喪食雖惡。必充饑饉而廢事。非禮也。飽而忘哀。亦非禮也。視不明。聽不聰。行不正。不知哀。君子病之。故有疾飲

酒食肉五十不致毀六十不毀七十飲酒食肉皆為疑死

為去聲。疑死恐其死也。有服人召之食不往大功以下既葬適人

食之其黨也食之非其黨弗食也人食之食音嗣。功衰黨謂宗族親戚也。

食菜果飲水漿無鹽酪不能食食鹽酪可也三年之喪練而食菜果醯醢

乳漿也。孔子曰身有瘍則浴首有創則沐病則飲酒食肉毀

瘡為病君子弗為也毀而死君子謂之無子以毀而死是使親有子與

無子同也。○非從柩與反哭無免於塋免音問。道路不可無

反哭為免於塋非此二者則必冠也。喪小記云遠葬者比反哭皆冠及郊而後免。○凡喪小功以

上非虞附練祥無沐浴總服既葬而除。故言小功以上。○疏衰之喪既葬

人請見之則見不請見人小功請見人可也大功不以執

摯唯父母之喪不辟涕泣而見人

哀七雷反見音現辟音避○執摯而見其禮為

重故有大功之喪則不以執摯無事於執摯而見者則亦請見可矣不辟謂人來請見不辭避之然亦必涕泣而見

也○三年之喪祥而從政期之喪卒哭而從政九月之喪

既葬而從政小功總之喪既殯而從政○曾申問於曾子

曰哭父母有常聲乎曰中路嬰兒失其母焉何常聲之有

雲莊陳氏曰哀痛之至無復音節所謂哭不偯也

○卒哭而諱王父母兄弟世父

叔父姑姊妹子與父同諱

父之王父母其子曾祖齊衰五月若父之王父母兄弟大功其

子小功父之世父叔父期子亦小功子與父同諱言父諱之

子亦從而諱之也但小功不諱而此云然記者言禮多異同不母之諱宮中諱妻之諱不舉諸其側與從祖昆弟

盡合也同名則諱

母之所諱子於宮中亦諱之非宮中不盡諱也妻之所諱夫亦於妻側諱之非其側則不諱也

若母及妻之所諱與己之小功兄弟同名則亦竟諱之矣此亦與小功不諱之文不合○以喪冠者

雖三年之喪可也既冠於次入哭踊三者三乃出○冠去聲

次入哭哭於殯宮踊三者三成人之喪禮也冠以責成人之禮而已耳詳見曾子問大功之末可以

冠子可以嫁子父小功之末可以冠子可以嫁子可以取

婦已雖小功既卒哭可以冠取妻下殯之小功則不可取

皆去聲○末將除而未除之時也父小功之末則已為總

麻服已除矣取婦吉於冠子嫁子故必待父小功之末也

大抵小功服輕但已卒哭亦不妨嫁取○凡弁經其衰侈

惟下殯小功其本服期則不可冠取也○凡弁經其衰侈

袂衰音摧○弁經弔服弔服有三曰錫衰總衰疑衰侈大

朝服同故○父有服宮中子不與於樂母有服聲聞焉不

舉樂妻有服不舉樂於其側大功將至辟琴瑟小功至不

絕樂

與去聲聞音問辟音闢。父服絕而子無服。宮中子。

者或稍寬耳。聲聞焉。則恐傷母心。其側又加近矣。大功將至。謂有服大功之人至也。為之辟琴瑟。亦哀有喪也。小功

服輕。則不絕樂可矣。○姑姊妹其夫死而夫黨無兄弟使夫之族人

主喪妻之黨雖親弗主夫若無族矣則前後家東西家無

有則里尹主之或曰主之而附於夫之黨

姑姊妹死無主後母家不為主

其喪厚男女之別也。里尹閭胥里宰也。或曰主之者謂母家主之。然其說非是。○朱子曰古法既廢鄰家里尹必不

肯祭他人之親則從也。○麻者不紳執玉不麻麻不加於采

宜而祀之別室可也。○麻者不紳執玉不麻麻不加於采

玉麻經不加於衰麻之服服衰麻者不執玉麻經不加於列采吉凶異道也。○國禁哭則止朝夕

之奠卽位自因也

國有大祀則喪者不哭然朝夕奠卽位之禮自不廢也。

○童子哭

不偯不踊不杖不菲不廬

菲符未反。○偯委曲聲。菲草履也。童子為父後者則杖。

○

孔子曰伯母叔母疏衰踊不絕地姑姊妹之大功踊絕於

地如知此者由文矣哉由文矣哉

衰音摧。絕猶離也。伯叔母服重而情輕姑姊

妹服輕而情重各致其情而不越於禮可謂由禮之士矣

○泄柳之母死相者由左泄

柳死其徒由右相由右相泄柳之徒爲之也

相去聲。記相者失禮所

自始○天子飯九貝諸侯七大夫五士三

飯上聲。雲莊陳氏曰士喪禮貝三

實於筭周禮天子飯含用玉此蓋異代之制乎

○士三月而葬是月也卒哭大夫

三月而葬五月而卒哭諸侯五月而葬七月而卒哭士三

虞大夫五諸侯七

言貴賤葬葬虞卒哭之節如此但諸侯大夫皆葬後二月而始卒哭而二月之久

止於五虞七虞此於他傳記皆未有明文可考未敢據也

○諸侯使人弔其次含襚贈

臨皆同日而畢事者也其次如此也

此疑是上篇弔者卽位門西章結語錯簡

此在○卿大夫疾君問之無算士壹問之君於卿大夫比葬

不食肉比卒哭不舉樂爲士比殯不舉樂比必二反爲去聲○此言君於

臣之疾病死喪恩禮如此喪大記云○升正柩諸侯執紼

五百人四紼皆銜枚司馬執鐸左八人右八人匠人執羽

葆御柩大夫之喪其升正柩也執引者三百人執鐸者左

右各四人御柩以茅引去聲○將葬時柩朝於廟升西階

於口以止誼譚司馬執鐸夾柩節行步也葆形如蓋以羽

爲之在柩車之前若道塗有低昂傾圯則羽葆爲抑揚左

右之節使執紼者知之引○孔子曰管仲鏤簋而朱紼旅

樹而反坫山節而藻梲賢大夫也而難爲上也言僭上也餘見禮器

及郊晏平仲祀其先人豚肩不揜豆賢大夫也而難爲下

也。

言偏下也。

君子上不僭上。下不偪下。

管晏皆未得爲君子。

○婦人非三

年之喪。不踰封而弔。如三年之喪。則君夫人歸。夫人其歸

也。以諸侯之弔禮。其待之也。若待諸侯然。夫人至。入自闈

門。升自側階。君在阼。其他如奔喪禮然。

婦人已嫁。爲父母期三年之喪。以本

服言也。封。疆界也。夫人奔父母喪。以諸侯禮行。母家之待之也。亦如諸侯之禮。闈門。宮中往來之門。側階。東房之旁

階。君主國之孤也。在阼。不降迎也。凡此皆所以異於女賓也。奔喪禮。謂哭踊麻屨之類。

○嫂不撫叔。

叔不撫嫂。

撫。撫其尸也。不撫。以遠別也。

○君子有三患。未之聞。患弗得

聞也。既聞之。患弗得學也。既學之。患弗能行也。

言爲學者當如是也。

能行之而後有諸己。

君子有五恥。居其位。無其言。君子恥之。有其言。

無其行。君子恥之。既得之。而又失之。君子恥之。地有餘而

民不足。君子恥之。眾寡均而倍焉。君子恥之。

以無其言爲恥者恥其無

可見之言也。得之而又失之。不恆其德矣。眾寡均而倍焉。謂己之眾寡均如他人。而他人之功績倍於我也。此以爲政之君。○孔子曰：凶年則乘駑馬。祀以下牲。

周禮校人六馬。曰種馬。戎

馬。齊馬。道馬。田馬。駑馬。駑馬。其最下也。下牲。如用太牢者。降用少牢之類。○恤由之喪。哀公使

孺悲之孔子學士喪禮。士喪禮於是乎書。

恤由。孺悲。皆魯士也。鄭氏曰。時

人轉而僭上。士之喪禮已廢矣。孔子以教孺悲。國人乃復書而存之。○子貢觀於蜡。孔子曰：

賜也樂乎。對曰：一國之人皆若狂。賜未知其樂也。子曰：百

日之蜡。一日之澤。非爾所知也。

樂音洛。○若狂。言醉而無威儀也。百日之蜡。終歲勤

動而有此蜡也。一日之澤。一日飲酒爲樂。在張而不弛。文

武弗能也。弛而不張。文武弗爲也。一張一弛。文武之道也。

張弛言治民勞逸之節也弗能不能為○孟獻子曰正月治也弗為不可為也此以明上文之意○

日至可以有事於上帝七月日至可以有事於祖七月而

禘獻子為之也

周正月建子之月日至冬至也○有事上帝郊祀也○周七月建午之月日至夏至也○有事

事於祖禘也○不言自獻子始而言獻子為之蓋一時之事耳○草廬吳氏曰魯郊止當用寅月禘用巳月不用午月獻

子之言皆非○魯郊禘非禮○獻子欲移其祭月則失禮愈甚○○夫人之不命於天子自魯

昭公始也

昭公娶吳為同姓不敢告天子天子亦不命之○後遂以為常○孔氏曰天子命畿外諸侯夫人若

畿內諸侯夫人及卿大夫妻則后夫人命之也○○外宗為君夫人猶內宗也○孔氏

宗謂君之姊妹之妹及舅之女及從母皆是也○內宗君五屬內之女也○內宗為君斬衰為君夫人齊衰此云猶內

宗則齊斬皆同○君夫人是國人所稱號○此外宗謂嫁在國中者若國外當云諸侯也○古者大夫不外娶君之姊妹

嫁於國中大夫為妻正也○諸侯不內娶故舅女及從母不得在國中凡內外宗皆據有爵者其無服而嫁於諸臣從

爲夫之君者。內外宗皆然。若嫁於庶人。則亦從其夫爲君。
服齊衰三月者。亦內外宗皆然也。雲莊陳氏曰。按儀禮喪
服疏云。外宗有三。周禮外宗之女有爵。通鄉大夫之妻。一
也。此記鄭注。謂君之姊妹妹之女。舅之女。從母皆是二也。
若姑之子婦。從母之子婦。其夫是君之外親。爲君服斬。其
婦亦名外宗。爲君服期。三也。內宗有二。周禮內女之有爵
謂同姓之女。悉是一也。此記。○廐焚孔子拜鄉人爲火來
鄭注。君之五屬之內女。二也。○廐焚孔子拜鄉人爲火來
者。拜之士壹大夫再。亦相弔之道也。伯職曰。以弔禮哀禍

災。○孔子曰。管仲遇盜。取二人焉。上以爲公臣。曰。其所與

遊辟也。可人也。管仲死。桓公使爲之服。宦於大夫者之爲

之服也。自管仲始也。有君命焉爾也。上聲。辟音僻。爲去聲。○所與遊辟。言所

交之非人也。可人。言可用之人也。管仲薦二人。或素知其

人。抑或有以見之矣。宦。仕也。宦於大夫。由大夫以仕也。蓋
自大夫而仕者。原不必爲大。○過而舉君之諱。則起與君
夫服此。以有君命而服之耳。

雅記下第二十一

禮記章句

卷之七

禮記

之諱同則稱字也。過失誤也。舉猶稱也。起立示不安也。○內亂不與焉。外患弗

辟也。與去聲。辟音避。○亂自內作。力能討則討之。不能則

以去。及晏嬰不與崔慶是也。若○贊大行曰。圭公九寸。侯

伯七寸。子男五寸。博三寸。厚半寸。剡上左右各寸半。玉也。

藻三采六等也。周禮朝覲宗遇合玉之事。大行人掌之。贊助

周禮大行人篇也。周禮子男執璧。此不言璧。記者失之。五

寸。璧之度也。考工記於子男未言守璧。亦闕文也。藻籍玉

之纁。以韋爲版。而藻畫朱○哀公問子羔曰。子之食奚當

對曰。文公之下執事也。子羔高柴也。子之食奚當。問其先

之族姓而文公至哀公凡七君。則子羔之先○成廟則燔

其在魯久矣。記者記此。蓋見世祿之遺制也。之其禮。祝宗人宰夫雍人皆爵弁純衣。雍人拭羊。宗人祝

退反命于君曰。釁某廟事畢。反命于寢。君南鄉于門內。朝

服既反命。乃退。

鄉去聲。朝音朝。○既事卒事也。宰夫行以攝君。故宗人告事畢於宰夫。而宰夫以反

命於君也。君時在寢。故反命於寢。君南鄉立。路寢成。則考於寢門內朝服。蓋以俟宰夫之反命而退也。

之而不釁。釁屋者。交神明之道也。

考成也。孔氏曰。盛饌以樂之也。凡宗廟

之器。其名者成。則釁之以豶豚。

名者。有名之器。若尊彝屬也。豶豚。牡豕也。

○諸

侯出夫人。夫人比至于其國。以夫人之禮行。至。以夫人入

使者將命曰。寡君不敏。不能從而事社稷宗廟。使使臣某

敢告于執事。主人對曰。寡君固前辭不教矣。寡君敢不敬

須以俟命。有司官陳器皿。主人有司亦官受之。

此必二反使者使臣

之使去聲。○出。以罪遣也。出。以夫人禮行。入。以夫人禮入。優之也。將命而不斥言其罪。厚也。前辭不教。謂前納采時。

嘗以此辭也。須待也。俟命。俟其出夫人之至也。器皿。夫人嫁時所齋之資莊也。官猶公也。使者有司以官陳之。主國有司亦官受之。妻出。夫使人致之曰。某不敏。不能從而共明。不私其財也。

棗盛使某也。敢告于侍者。主人對曰。某之子不肖。不敢辟誅。敢不敬須以俟命。使者退。主人拜送之。如舅在。則稱舅。舅沒。則稱兄。無兄。則稱夫。主人之辭曰。某之子不肖。如姑姊妹亦皆稱之。共音恭。盛平聲。辟音避。○直曰某之子不肖。其辭降於夫人也。誅罪也。山婦有尊者則必稱尊者之命。無尊者而後夫自致辭。姑姊妹亦皆稱之。如云某之姑不肖。某之姊妹不肖也。○孔子

曰。吾食於少施氏而飽。少施氏食我以禮。吾祭作而辭曰。

疏食不足祭也。吾飧作而辭曰。疏食也不敢以傷吾子。去少

聲食我疏食之食皆音嗣。○少施氏魯惠公之子。施父之後。不敢以傷吾子。言不可強食以致傷害也。聖人之飽飽

以禮而已。○納幣一束束五兩兩五尋。納幣昏禮納徵也。八尺日尋每五尋為一匹。從

兩頭卷至中作兩箇卷子。五兩為一。束則凡五匹作十卷三立二纏也。○婦見舅姑兄弟姑

姊妹皆立于堂下西面北上。是見己見諸父各就其寢。音見

現。○婦始見舅姑凡兄弟姊妹之立於堂下者一時皆以禮接見之。唯諸父旁尊則明日各詣其寢而特見之也。

○女雖未許嫁年二十而笄禮之。婦人執其禮燕則鬋首。

鬋音拳。○女子許嫁而笄未許嫁亦二十而笄。禮之加笄之禮也。婦人女賓也言未許嫁而笄者與許嫁而笄者同其敬禮也。但既笄之後燕居則去笄而分髮為鬋紛也。為其未許嫁故雖已笄而猶以少者自處如此。○韞長

三尺下廣二尺上廣一尺會去上五寸紕以爵韋六寸不

至下五寸純以素紕以五采。會音檜純音準。○會領縫也。去上五寸而紕之以爵韋玉

藻所謂其頸五寸也。以六寸者紕有縫合處故使餘一寸也。不至下五寸而純之以素絹蓋亦用六寸也。紕總也。以

五采之縹飾於其縫中也此其制
則前後正方蓋主朝服素韠言也

禮記章句卷之七終